

046



Վրեճը և Երևանը



№ 9

ԼԵՎՏԻՎԱՅԻՆ

1.9.4.6




ПИОНЕРИ

ЕЖЕМЕСЯЧНЫЙ ДЕТСКИЙ ЖУРНАЛ ЦЕНТРАЛЬНОГО КОМИТЕТА ЛКСМ ГРУЗИИ
(на грузинском языке)

1946 год
Год издания 20 й

Издательство „Комунисти“

№ 9
СЕНТЯБРЬ



მარია მიქელაძე

პიონერის ნიშანი

— ეს ნიშანი პაწაწინა
რისთვის მოგვცეს, იცი, დალი? —
რომ ჩვენს გულში მარად ენთოს
დიდი რწმენის ნაღვერდალი.


ეს კოცონი ალისფერი
ნიშანია, იცი, რისი? —
რომ გვახლოვდეს მამულისთვის
დანთხეული გმირთა სისხლი.

სხივები კი ოქროსფერი,
იცი, რისკენ მოგვიწოდებს? —
რომ ჩვენს ცაზე ოქროს სხივი
არ დაბნელდეს არასოდეს.

და წარწერა „მუდამ მზად ვარ“, —
ეს ცხადია თავისთავად, —
მას გვავალდებს, რომ მზად ვიყოთ
ჩვენი ქვეყნის დასაცავად;

რომ ყოველთვის, მუდამ, მუდამ
ძვერდეს ჩვენი ნორჩი გული
დიდ სამშობლოს ერთგულებით
და ბელადის სიყვარულით.

ეს ნიშანი მშვენიერი
რად მივიღეთ, იცი, დალი? —
რომ ჩვენს გულში მუდამ ენთოს
დიდი რწმენის ნაღვერდალი!



პ. ი. თ. ნ. ე. რ. ი



საქართველოს ახალგაზრდათა ლენინური კომუნისტური კავშირის
ცენტრალური კომიტეტის ყოველთვიური ორგანო.

1946 წელი

წელიწადი მეოცე


გამომცემლობა „კომუნისტი“

№ 9
სექტემბერი



იაპონიაზე გამარჯვების დღე

ერთი წლის წინათ, 1945 წლის 2 სექტემბერს, საბჭოთა კავშირის, ამერიკის შეერთებული შტატების, ჩინეთისა და დიდი ბრიტანეთის შეიარაღებულმა ძალებმა საბოლოოდ დაამარცხეს იმპერიალისტური იაპონია.



4130

შეწყვეტა
მანქანის
არჩევნული
გეგმის

ბრძოლა 23 დღეს გაგრძელდა, რის შემდეგ იაპონიის მილიონიანმა არმიამ არსებობა. წითელმა არმიამ იაპონელი დამპყრობლებისაგან გაათავისუფლა მთელი და კორეა.

საბჭოთა კავშირმა დაიბრუნა თავისი ტერიტორიები: სამხრეთ სახალინი, კუროილის კუნძულები, ნავსადგურები პორტ-არტური, დალნი და სხვ.

იაპონიაზე გამარჯვების აღსანიშნავად საბჭოთა მთავრობამ 8 სექტემბერი გამოაცხადა საყოველთაო სახალხო დღესასწაულად—იაპონიაზე გამარჯვების დღედ.



საბჭოთა შორეული აღმოსავლეთის მეორე ფრონტის მებრძოლები იაპონიაზე გამარჯვების წლისთავის ზეიმზე ქალაქ ხარბინში.



გიორგი კახანიძე

ფრთაშესხმული
დავუბრუნდით

ბევრ ნაკადულს დავეწაფეთ,
ბევრი კორდი გადავლახეთ,
გზას ვებრძოლეთ და სამშობლოს
სილამაზე ისე ვნახეთ.


ტყე ვგზვდებოდა სწირად მთებში
მჩატე ნისლის თეთრი ნაბლით,
გზას ვვითხოვდა,—ფრთები გვესხა,
ჩიტებივით მივფრინავდით.

ძვიდიოდით, ქუდს ვუხდიდით
სახელოვან ძრავალ ქართველს.
ღამეც ვტეხეთ, მაგრამ დილით
ჩვენ არ ვგავდით ღამენათევს.

ვკრეფდით ღამაზ მთის ყვავილებს,
ვსდევდით პეპლებს ფრთაფარფატებს,
ბევრი ხევი და ჩანჩქერი
რვეულებში ჩავიხატეთ.

დღეები და მასპინძლობა
არ ჰქონია ზაფხულს ცუდი.
ვაგვახარა და ჩვენც სკოლებს
ფრთაშესხმული დავუბრუნდით.

მერხებს მკვირცხლად მივაშურეთ
ხმაწყრიალა ზარის ხმაზე;
აქაც დავგზვდა ჩვენი ქვეყნის
სიუხვე და სილამაზე.





ცნობილმა რუსმა მწერალმა ალექსანდრე ფადეევმა სამამულო ომის თემაზე დაწერა რომანი „ახალგაზრდა გვარდია“. რომანში მწერალი მოგვითხრობს გერმანელთა ოკუპაციის პირობებში დარჩენილი ახალგაზრდა საბჭოთა პატრიოტების გმირულ თავდადებას სამშობლოს მტერთან ბრძოლაში. საგულისხმოა, რომ ახალგაზრდა პატრიოტები, რომლებიც პირისპირ აღმოჩნდნენ მტერთან ოკუპაციის მძიმე პირობებში კი არ დაიბნენ, არამედ სწორი ორგანიზაციული გზა იპოვეს და გერმანელი ოკუპანტების წინააღმდეგ შეურიგებლად მებრძოლი არალეგალური ორგანიზაცია ჩამოაყალიბეს.

ალექსანდრე ფადეევის რომანის გმირები—ოლეგ კოშევი, ვანია ზემუნოვი, ულიანა გრომოვა, სერგეი ტუღინინი, ლუბოვ შევცოვა, ანატოლი პოპოვი, ნიკოლოზ სუშკი და მრავალი სხვა, ამ რომანში მოქმედი გმირები, სრულყოფილი საბჭოთა ახალგაზრდა პატრიოტები არიან. ყველა ისინი ერთი ქალაქის—კრასნოდონის მცხოვრებნი იყვნენ. სწავლობდნენ ამ ქალაქის სკოლებში და ომამდე იცნობდნენ ერთმანეთს. ისინი სპეციალურად არავის მოუშვადებია გერმანელების წინააღმდეგ მებრძოლ პარტიზანებად. მაგრამ როცა დონბასში შემოიჭრნენ ოკუპანტები, ეს ახალგაზრდები შეკავშირდნენ და შეუპოვარი ბრძოლა გამოუცხადეს მტერს, თავამოდებით იბრძოდნენ სამშობლოსა და ხალხთა ბელადის დიდი სტალინის სიყვარულით შთაგონებულნი.

საბჭოთა ახალგაზრდობა მუდამ სიამაყის გრძნობით მოიგონებს ჩვენი სამშობლოს დამოუკიდებლობისა და ხელშეუხებლობისათვის კრასნოდონელი ახალგაზრდების მიერ ჩატარებულ, გასაოცარი გმირობით აღსავსე ბრძოლებს.



სტალინური პრემიის ლაურეატი მწერალი—
ალექსანდრე ფადეევი

ალექსანდრე ფადეევი




თავი მათა

ურდოს მთელ იმ ნაწილში, სადაც ვანია და ყორა გავიდნენ და სადაც № 1-ბის მაღაროს დირექტორის ვალკოს შავგერემანი სასტიკი ხელი მბრძანებლობდა, უკვე წესრიგი იყო: მანქანები და საზიდრები ცალკე იდგნენ, მწკრივად დაწყობილნი, ყველგან ამოთხრილი იყო თავშესაფარი ხვრელები. მაღაროს საბარგო მანქანის მახლობლად მარაგად ეყარა ხუტორის ღობის წნელის რამდენიმე მეტრი შეშა. ძალუა მარინე და ულია ახალი კომბოსტოს შეჭამანდს ხარშავდნენ.

ეს ბებერი ბოშა ვალკო ნამდვილი სამეურნეო კაცი იყო. შეუგროვებია თავისი მუშები და ხუთამდე კომკავშირელი ჭაბუკი, მებრდილი შავი წარბებიდან ისე მკაც-

რად გამოიყურება, რომ ხალხი გზას უტევს. ვალკო ახლა მძიმე ნაბიჯით მიდის გადასასვლელისაკენ, იმ იმედით, რომ ხელი მოჰკიდოს მთელ ამ საქმეს.

ისე როგორც ბებერი სხვა დიდი სამეურნეო მოღვაწე, თანამედროვე უდიდესი მანუშტაბის სრულყოფილ საწარმოთა ხელმძღვანელები, რომელთაც თავიანთი მოღვაწეობის გზაზე ისწავლეს ყოველგვარ დაბრკოლებათა გადალახვა, ვალკო სამხრეთის ფრონტზე უკანდახევას, რომლის მსხვერპლი კინალამ თვითონაც გახდა, თავის გულში ხსნიდა არა მარტო იმით, რომ გერმანელებმა აქ თავი მოუყარეს ჯარისკაცების, თვითმფრინავებისა და ტანკების ქარბ ძალებს, არამედ იმითაც, რომ სამხედ-



რო ადამიანებმა ფრონტზე ჯერ კიდევ ვერ ახწავლეს მათს განკარგულებაში გადაცემული, გაუმჯობესებული მანქანებისა და წარმოებაში მომზადებული ადამიანების გამოყენება. ვალკო ამავე მიზეზით ხსნიდა იმასაც, რომ გადასასვლელთან თავი მოეყარა რამდენიმე ათას ადამიანს, მანქანებსა და საზიდრებს და რომ ასეთი უწყსრივობა იყო. და იმ წუთიდან, რაც აქ მოხვდა, ყველაფერს აკეთებდა იმისათვის, რომ წესრიგი დაემყარებინა.

იმავე წუთიდან, რაც ვალკო შეუდგა წესრიგის დამყარებას, ოლეგი ისევ იყო იმასზე შეყვარებული, როგორც რამდენიმე ხნის წინათ კაიუტკინზე, ხოლო უფრო ადრე ულიაზე.

უჩვეულო წყურვილი საქმიანობისა, სურვილი მთლიანად თავის გამოვლინებისა, სურვილი ადამიანთა ცხოვრებაში, მათს მოქმედებაში ჩარევისა, იმ ვარაუდით, რომ შეეტანა მასში რაღაც საკუთარი, უფრო სრულყოფილი, სწრაფმოქმედი და ახალი შინაარსით აღსავსე, — ეს ჯერ კიდევ არა სავსებით გააზრებული, მაგრამ მთელი არსების მომცველი და მისი ბუნების საფუძვლის შემადგენელი სულიერი ძალა დაუფლდა ოლეგს.

— ვახ, რა კა-რგია, ივანე, რომ ერთმანეთს შე-ეგვხვდით! — ენის ოღნავი ბორძიკით მხიარულად ეუბნებოდა ოლეგი, თან ზემო-უხზოვის გვერდით ფეხდაფეხ მიჰყვებოდა ვალკოს. — კარგია, რომ ერთმანეთს შეეგვხვდით, რადგან, ხომ ხედავ, უშენოდ მოწყენილი ვიყავი! შენ კი თურმე მხიარულად ყოფილხარ! უ-უ, ძმაო! ოლეგმა თვალითა და სალოკი თითით ვალკოს ზურგზე ანიშნა. — დიახ, ჩემო ძმაო, ამ ქვეყნად მთავარი ძალი ორგანიზაციის ძალაა, — ამბობდა იგი და თან ოქროსფერი წამწამების ქვეშ აბრიალებდა თვალებს. — უმისოდ, ალბათ, ყველაზე საჭირო და კარგი საქმეც ისე დაიშლება, როგორც ქსოვილი დაიცრიცება სადმე და ირღვევა ცალკე ძაფებად. მაგრამ საკმარისია ხელი მოჰკიდო და ნებისყოფა გამოიჩინო...

— გაიხედავ და შენვე ცხვირ-პირს დაგინაყავენ! — უკანმოუხედავად წარმოსთქვა ვალკომ.

ყმაწვილებმა დამსახურებულად შეაფასეს მისი პირქუში ხუმრობა.

ისე, როგორც ფრონტზე, არმიის მეორე ეშელონში მოხვედრისას, ძნელია წარმოიდგინო წინა ხაზზე წარმოებული ბრძოლების მოცულობა და მათი სიმძაფრე, ასევე შეუძლებელია მდინარის გადასასვლელზე, მის ღრმა ზურგში, უკანასკნელ რიგში ყოფნი-

სას, იმსჯელო უბედურების ნამდვილი ოღენობის შესახებ.

რაც უფრო უახლოვდებოდნენ ისინი დასასვლელს, მით უფრო არეული, გაბოზებული წორებული ხდებოდა გადასვლელთა მდგომარეობა, მით უფრო მწვავედებოდა საერთო გააფთრება, რომელიც უკვე იმდენად ფესვგადგმული და იმდენად გამძაფრებული იყო, რომ შეიარაღებული ძალის ჩარევის გარდა სხვა რამეს ძნელად თუ შეეძლო მისი დაშოშმინება. ცდილობდნენ, რაც შეიძლებოდა ახლოს მისულიყვნენ მცურავ ხილთან, წინა მანქანებზე უკანა მანქანების მიძალებისა და მათ შორის ადამიანთა მასის მოძრაობის შედეგად, ყველა სახის ტრანსპორტი ისე მჭიდროდ და გამოუსწორებლად იყო ერთიმეორეში არეული, ყოვლად წარმოუდგენელ მდგომარეობაში შეჩრილი, რომ უკვე არავითარი საშუალება აღარ იყო სხვაგვარ წესრიგზე მათ მოსაყვანად, თუ არა კვლავ თანდათანობით წინწაწევა.

აუტანელ სიცხეში, რასაც კიდევ უფრო აძლიერებდა ეს შეჯგუფება, ადამიანები ოფლში იწურებოდნენ, სწყველიდნენ ერთ-იმეორეს და იმ ზომამდე იყვნენ გაცეცხლებულნი, თითქოს ერთმანეთის მიკარებით შესაძლოა აფეთქდნენო. ჰაერში ტრიალებდა გაშმაგებული ლანძღვა-გინება. გამოუტყვეველი იყო, ვინ ვის ლანძღვდა და აგინებდა.

სამხედრო ადამიანებს, რომლებიც ამ გადასასვლელს განაგებდნენ, უკვე რამდენიმე დღე და ღამის განმავლობაში არ სძინებიათ. გამავებულნი უძილობისა და მზისგან, რომელზედაც დილიდან საღამომდე იხრაკებოდნენ, ათასობით ფეხისა და თვლების განუწყვეტელი მოძრაობით ამდგარს მტკრისაგან, ხმაჩახლეჩილი ლანძღვა-გინებისაგან, აღზნებული ქუთუთოებით და ოფლიანი შავი ხელებით, ისინი მისულიყვნენ ნერვული დაღლილობის იმ ზომამდე, როცა უკვე ველარაფერს იჭერდნენ ამ ხელებში, მაგრამ მაინც განაგრძობდნენ თავიანთ არა-ადამიანურ სამუშაოს.

სავსებით ცხადი იყო, რომ უფრო მეტის გაკეთება, ვიდრე ეს ადამიანები აკეთებდნენ, ყოვლად შეუძლებელი იყო, მაგრამ ვალკო მაინც ჩაივდა ხიდის თავზე და მისი ჩახლეჩილი ხმა უკვე დაიკარგა სხვა ხმებსა და მანქანების ხმაურში.

ოლეგმა თავის ამხანაგებთან ერთად ძლივს გააღწია ნაპირამდე. ახლა იგი იდგა აქ და მოზრდილი ბავშვის დაძაბული ყურადღებით, გულგრილი და გაოცებული გამომეტყველებით შესცქეროდა ამ მტკერსა და სიცხეში ჩაშვაგებულსა და საოცარ მა-

სად ჩაზვილილ ნაპირს, სადაც ერთიმეორეზე მიძვრებოდნენ პირთამდე დატვირთული საბარგო მანქანები და საზიდრები და სადაც განუწყვეტლივ მიდიოდნენ და მიდიოდნენ გაოფლიანებული, კუჭკუიანი, გაბრაზებული, დამცირებული ადამიანები...

და მხოლოდ დონეცი, ეს ბავშვობიდან საყვარელი მდინარე, რომლის შუა წელზე მრავალჯერ გამგზავრებულან მოსწავლე ყმაწვილები საბანაოდ და სათევზაოდ, მხოლოდ დონეცი, ამ ადგილებში განიერი და მლორე, წინანდებურადვე მიაქანებდა თავის თბილსა და მომღვრიო წყალს.

— არა, მაინც კი მიხდა, რომ ვინმეს ცხვირ-პირი დავუნაყო! — უცებ წარმოსთქვა ვიქტორ პეტროვმა, რომელიც გაბედული თვალების ნაღვლიანი გამომეტყველებით შესცქეროდა არა გადასასვლელს, არამედ მდინარეს; იგი ხუტორ პოგორელოედან იყო, ამ მდინარის ნაპირზე გაიზარდა.

— სწორედ ეგ არის, უკვე მეორე ნაპირზე ხარ! — იოხუნჯა ვანიამ.

ყმაწვილებმა ჩაიცივნეს.

— დარტყმა აქ კი არა, იქ უნდა! — ცივად წარმოსთქვა ანატოლიმ, თან უზბეკური ქუდიანი თავი დასავლეთით გაიქნია.

— სრული სიმაართლეა! — დაემოწმა ყორა. თითქმის იმავე წუთას, როგორც ეს წარმოსთქვა, ყვირილი გაისმა:

— ჰაერი!

და უეცრად დაიგრიალეს საზენიტო ქვემეხებმა, დაიკაიანეს ტყვიამფრქვევებმა. ცაში გაისმა მოტორების გუგუნი და გადმოყრილი ბომბების გამაყრუებელი მზარდი გრიალი.

ყმაწვილები მიწას გაენართხნენ. მახლობელმა და უფრო შორეულმა აფეთქებამ ირგვლივ ყველაფერი შეარყია, გადმოცვივდა მიწის გორბები და ნაფოტები, თვითმფრინავების პირველ წყებას ერთბაშად მოჰყვა მეორე, მესამე წყება, და წივილმა, ზუზუნმა, გრუხუნმა, აფეთქებული ბომბების გრიალმა, საზენიტო ქვემეხებისა და ტყვიამფრქვევების ცეცხლმა თითქოს მთელი სივრცე აავსო მიწიდან ცამდე.

თვითმფრინავებმა გადაიქროლეს, ადამიანებმა დაიწყეს წამოდგომა და ამ დროს საიდანღაც, არც თუ ისე შორიდან, ხუტორის მხრივ, სადაც ღამე გაათიეს ყორამ და ვანიამ, ზარბაზნების გახშირებული სროლა გაისმა. წუთის შემდეგ შიგ შუა ბანაკში სკდებოდა ყუმბარები და ჰაერში აიძარტნენ მიწისა და ნაფოტის სვეტები.

წამომდგარი ადამიანები ზოგი ისევ ძირს დაეშვა, ზოგმა კი პირი იბრუნა სწორედ იქითკენ, სადაც ყუმბარები სკდებოდა, და

იმავე დროს თვალს არ ამორებდნენ გადასასვლელს. გადასასვლელის მამოძვრებელი სამხედროების სახის გამომეტყველებას და მათი საქციელის მიხედვით ადამიანები მიხვდნენ, რომ აქ რაღაც გამოუსწორებელი რამ მოხდა.

გადასასვლელის გამგე სამხედროებმა ერთიმეორეს გადახედეს, წუთით შედგნენ, თითქოს ყურს უგდებდნო. უეცრად ერთი მათგანი სირბილით შეიჭრა პონტონის თავთან ამოთხრილ ბლინდაჟში, მეორემ ხმა-მალე გადასძახა სანაპიროს და რაზმს მოუხმო.

წუთის შემდეგ სამხედრო სირბილით გამოვარდა ბლინდაჟიდან, მკლავზე ორი ფარჯა გადაეკიდებინა, მეორე ხელით კი საბარგო ტომრებს მოათრევდა ღვედებით; ორივე სამხედრო და საკომენდანტოს რაზმის მებრძოლები, უმწყრივოდ, სირბილით შეიჭრნენ მშრალ ხილზე, წინ უსწრებდნენ ხილზე და ხიდის მიმართულებით ხელახლა დაძრულ მანქანებს.

ის, რაც ამას მოჰყვა, ისე მოულოდნელად და სტიქიურად მოხდა, რომ არავის შეეძლო ეთქვა, თუ რით დაიწყო ყოველივე ეს. ვილაკები ფეხდაფეხ ყვირილით მიჰყვნენ სამხედროებს. რაღაც არევ-დარევა მოხდა მანქანებს შორის, ზედ ხიდის თავზე: რამდენიმე მანქანა ერთბაშად შეჯლიგინდა პონტონზე, ერთიმეორეს დაეტაკნენ, გაისმა ჯახანი: თუმცა ამის იქით გზა ამკარად გაჭედული იყო მანქანებით, მაგრამ უკანა მანქანები წინა მანქანებს ეძაღებოდნენ და მოტორების საშინელი ღრიანცელით განაგრძობდნენ ერთიმეორეზე თავდასხმას ამ პონტონზე შეჯგუფებული მანქანების ჯახანში. ერთი მანქანა წყალში გადავარდა, მას მიჰყვა მეორე, მესამე უკვე გადასავარდნად იყო, მაგრამ წამყვანმა ხელის ძლიერი მოძრაობით მუხრუჭით ერთ ადგილზე გააქცავა.

ვანია ზემუნხოვმა, რომელიც ბეცი თვლებით განცვიფრებული შესცქეროდა ამ მანქანებს, უცებ წამოიყვია:

— კლავა!

იგი უმალვე ხიდის თავისკენ გაექანა.

ღიახ, ეს მესამე მანქანა, რომელიც კინალამ გადაეშვა წყალში, იყო კოვალიოვის მანქანა, რომელშიც ნივთებზე ისხდნენ თვითონ კოვალიოვი, მისი ცოლი, ქალიშვილი და კიდევ ვილაც სხვები.

— კლავა! — ისევ დაიყვია ვანიამ, რომელიც არავინ იცის, თუ როგორ გაჩნდა მანქანასთან.

ადამიანები ხტებოდნენ მანქანიდან, ვანიამ ხელი გაუწოდა და კლავაც გადმოხტა.



— მორჩა! ჯანდაბას!—ისე წარმოსთქვა კოვალიოვმა, რომ ვანიას გული გადაუცივდა. კლავა, რომლის ხელის დაჭერა დიდხანს ვერ გაბედა, თუმცა არა ხედავდა, მაინც ცერად შესცქეროდა ვანიას და კანკალებდა.

— სიარული თუ შეგიძლია? სთქვი, შეგიძლია?—სატირალი ხმით ეკითხებოდა კოვალიოვი თავის ცოლს, რომელსაც გულზე ეჭირა ხელი და, პირდაღებული, თევზივით ძლივს იჭერდა ჰაერს...

— დაგვტოვე, ჩვენ დაგვტოვე... გაიქეცი... ისინი მოგკლავენ,—ლულულღებდა გულამომჯდარი ქალი.

— რა იყო, რა მოხდა?—შეეკითხა ვანია.

— გერმანელები! — წარმოსთქვა კოვალიოვმა.

— გაიქეცი, გაიქეცი, ჩვენ დაგვტოვე! — იმეორებდა კლავას დედა.

კოვალიოვს ცრემლი წასკდა და ხელი ჩაავლო ვანიას.

— ვანია!—ტირლით წარმოსთქვა მან,—უშველე ამათ, ნუ მიატოვებ... თუ ცოცხალი დარჩით, ქვემო ალექსანდროვკაში წადით, იქ ნათესავეები გვყვანან... ვანია! შენი იმედი...

ხედ ხიდის თავზე მიძალებულ შეჯგუფებულ მანქანებში გასკდა ყუმბარა.

ნაპირიდან დაძრული სამხედრო და სამოქალაქო ადამიანები უხმოდ მიაწყდნენ პონტონს.

კოვალიოვმა ხელი გაუშვა ვანიას, სწრაფად მიბრუნდა ცოლისკენ, მერე ქალიშვილისკენ, ეტყობოდა, უნდოდა გამომშვიდობებოდა მათ, მაგრამ გონდაკარგულმა უცებ

ორივე ხელი ჩაიჭნია და სხვებთან ერთად სირბილით გაიქრა მცურავ ხიდზე.

ოლეგი ნაპირიდან ეძახოდა ზემუნხოვს, მაგრამ ვანიას არაფერი ესმოდა.

— წავიდეთ, ვიღრე დაგვამტვრევენ! — მკაცრად, დინჯად, უთხრა ვანიამ კლავას დედას და მკლავზე ხელი მოჰკიდა.—წავიდეთ იმ ბლინდაჟში, გესმის? კლავა, მომყევით, გესმის?—მკაცრად და ნაზი ხმით ეუბნებოდა იგი.

სანამ ბლინდაჟში ჩავიდოდნენ, ერთხელ კიდევ შეასწრეს თვალი, რა გამალებით ფუსფუსებდნენ მებრძოლები ქვემეხების ახლოს, როგორ მოხსნეს ლულებს რაღაც მძიმე ნაწილები, აიღეს, სირბილით გაიტანეს ხიდზე და რამდენიმე ხნის შემდეგ წყალში გადაყარეს. მდინარის მთელ სიგრძეზე, ხიდის ზემო და ქვემო მხარეზე ცურვით გადადიოდნენ ადამიანები და საქონელი, მაგრამ ვანია ამას ვეღარ ხედავდა.

მისი ამხანაგები, რომლებმაც მხედველობიდან დაკარგეს ვანიაცა და ვალკოც, ცდილობდნენ არ მოხვედრილიყვნენ მათ პირდაპირ დაძრულ ადამიანთა ნიაღვარში და გარბოდნენ იმ ადგილისაკენ, სადაც თავისი საზიდრები დატოვეს.

— ერთად იყავით, ჩვენც ერთად უნდა ვიყოთ!—ოლეგი თავისი ღონიერი, განიერი მხარ-ბეჭით ყველაზე წინ მიარღვევდა შეჯგუფებულ ხალხს, თან ყვიროდა, ყმაწვილებისკენ იცქირებოდა ანთებული, ბრაზ-მორეული და ამ სიბრაზისაგან ჩაყვითლებული თვალებით.

მთელი ურდო აირია და უკვე იშლებოდა, მანქანები მოტორების თუხთუხით გვერდით მისდევდნენ ერთმანეთს, ხოლო ის მანქანები, რომლებმაც უკვე მოასწრეს



აქედან დაძრომა, ნაპირის გასწვრივ მდინარის ქვემო მხარისაკენ გაექანენ.

იმ დროს, როცა თვითმფრინავებმა გადმოიქროლეს, ძალუა მარინე ჩაცუცქული იყო, ცეცხლს უკეთებდა გამხმარ ფიჩხს, რასაც ძია კოლია საარტილერიო ხანჯლით ჩეხდა, ულია კი იქვე, გვერდით იჯდა ბალახზე და ისეთ ფიქრს მისცემოდა, რომ მის სახეზე, სადაც ტუჩების კუთხეებთან და ნესტოების თხელ ჭრილებში, საშინელი ძალის ხაზები ისახებოდა. ახლა ულია შესცქეროდა მანქანის გვერდზე მჯდომ გრიგოლ ილიას-ძეს, რომელიც გადაჭვეოდა ცისფერთვალა გოგონას; იგი წელან რძეს ასმევდა ამ გოგონას, რაღაცას ეჩურჩულებოდა ყურში და აცინებდა. მანქანა, რომლის გარშემო აღმზრდელთა მეთვალყურეობით თამაშობდნენ ბავშვები და რომლის მახლობლად იჯდა ყველაფრისადმი გულგრილი დამოკიდებულებით გამოშინალი საბავშვო სახლის გამგე ქალი, სულ ოცდაათიოდე მეტრი მანძილით იყო დაშორებული იმ ადგილს, სადაც კოცონი იყო გაჩაღებული. საბავშვო სახლი, ისე როგორც პეტროვისა და კოშევიის საზიდრები, სხვა საზიდრების მწკრივში იდგნენ.

თვითმფრინავებმა ისე მოულოდნელად გადმოიქროლეს, რომ ვერაინ მოასწრო ჩანტომა ღია თავშესაფარში, ყველანი იქვე, მიწაზე დაეცნენ. მიწაზე დაცემულმა ულიამ გაიგონა ჩამოვარდნილი ბომბის თითქოს ზემოდან ქვემოთ განფენილი, ქარიშხალივით მზარდი ზრიალი; იმავე წუთს გაისმა ჭეჭა-ჭუხილი, მკვეთრი გრიალი, თითქოს ეს მომხდარიყოს არა ულიას თავზე, არამედ მის სხეულში. ჰაერმა სტვენით გადაუქროლა თავზე და მიწა მიაყარა ზურგზე. ულიას ესმოდა ცაში მოტორების გუგუნი. კვლავ ეს ზუზუნი, მაგრამ უკვე შორეული, და სულ ასე იწვა მიწაზე გართხმული.

არ ახსოვდა, როდის წამოდგა, ან რამ უკარნახა, რომ საჭირო იყო და შეიძლებოდა ადგომა. უეცრად დაინახა მის გარშემო გაშლილი ქვეყანა და სულის სიღრმიდან აღმოხდა რაღაც ვნებიანი, მხეცური კვნესა.

მის წინ უკვე აღარ იყო არც № 1-ბის მალაროს მანქანა, არც გრიგოლ ილიას-ძე, არც ის ცისფერთვალა გოგონა, ისინი მახლობლად არსად ჩანდნენ. იმ ადგილას, სადაც მანქანა იდგა, მოჩანდა გადმობრუნებული, დამწვარი, შავი მიწის ორმო, ხოლო იმ ორმოს გარშემო სხვადასხვა ადგილას ეყარა მანქანის შერუჯული ნაწილები, ბავშვთა დასახიჩრებული გვაგები. ულიადან რამდენიმე ნაბიჯზე ინძრეოდა მიწაში ამოვლებული წითელხილაბანდიანი ჯიცნაუ-

რი ნაგლეჯი. ამ ნაგლეჯში ულიამ შეიქცნო საბავშვო სახლის გამგე ქალის ტანის მკვლე ნაწილი, ქვედა ნაწილი კი პირდაპირ მიწაზე დებზე ჩაცმული რეზინის ბოტებიანად არსად ჩანდა,—იგი საერთოდ აღარსად იყო.

რვა წლის ბიჭს საშინელი ჭინთვით თავი მიწაში ჩაერგო, ხელები კი ზურგზე შემოედო, თითქოს უნდა ისკუბოსო, ერთ ადგილას ტრიალებდა, ფეხებს აბაკუნებდა და წიოდა.

ულია თავდავიწყებით მიიჭრა ყმაწვილთან, უნდოდა მოხვეოდა, მაგრამ ყმაწვილი საშინელი წივილით აფართხალდა მის ხელებში. ულიამ მალლა აუწია თავი და ნახა, რომ სახე ბებერასავით შემუშებოდა და ამრვარდნილი თეთრი თვალეები უბეებზე დაჰკიდებოდა.

ულია მიწაზე დაეშვა და აქვითინდა. ყველაფერი გარბოდა გარშემო, მაგრამ ულია უკვე ვერაფერს ხედავდა, არც არაფერი ესმოდა. იგრძნო მხოლოდ ის, რომ მის გვერდით გაჩნდა ოლეგ კოშევი. იგი რაღაცას ამბობდა და თან თავის დიდრონ ხელებს თმაზე უსვამდა ულიას, თითქოს ცდილობდა ფეხზე წამოეყენებინა, ულიას კი სახეზე ხელები მიეფარებინა და ქვითინებდა. ზარბაზნების სროლის, ყუმბარების სკდომისა და ტყვიამფრქვევთა შორეული კაკანი ესმოდა ულიას, მაგრამ ყოველივე ეს ახლა უკვე სულერთი იყო მისთვის.

უცებ მოესმა ოლეგის ძალზე ჭაბუკური, მითრთოლვარე, მკვეთრი ხმა:

— გერმანელები!

ეს კი მისწვდა ულიას გონებას, ტირილი შეწყვიტა და უცხად გასწორდა. წუთში იგრძნო გვერდით მდგომი ოლეგი, ყველა თავისი ამხანაგი, ვიქტორის მამა, ძია კოლია, მარინე ბავშვით ხელში, თვით პაპაც კი, რომელსაც მოჰყავდა ოლეგი და მისი ნათესავები,—არ იყვნენ მხოლოდ ვანია ზემნუხოვი და ვალკო.

ყველა ეს ადამიანი უცნაური გამომეტყველებით დაძაბულად გასცქეროდა ერთი მიმართულებით, ულიამაც გაიხედა იმავე მიმართულებით.

იმ მხარეზე, რაიმე ნასახიცი კი არ იყო ბანაკისა, რომელიც სულ რამდენიმე ხნის წინათ გარს ეხვია მას. ახლა მათ წინ გავარვარებული ცის ქვეშ გადამოილიყო ელვარე მზის შუქით მომუქო-თეთრად გაქათვებული ტრამალი. ჰაერის ამ მომუქო-თეთრ ბრწყინვაში, გაქათვებული ტრამალით მათ პირდაპირ მოემართებოდნენ ვასაკის ფერად შეღებილი გერმანელთა მწვანე ტანკები.

თარგმანი პოლიო აბრამიანი.

დედნაკვადი



ოთხი წლის განმავლობაში შაქროს ოჯახი ხშირად იღებდა მისგან წერილებს, რომლებითაც ის იტყობინებოდა თავისი დაჯილდოებისა და დაწინაურების ახალ ამბებს, ანუ გეშეებდა მოხუც დედას და უსუსურ ბავშვებს: მალე დამთავრდება ომი და ჩამოვალო.

თინკო გაიზარდა, სკოლაში დაიწყო სწავლა და გაუცვიათავი ხელით წერილებსაც საწერდა მამას. ახარებდა ფრიადოსნობას, სთხოვდა, არ ედარღო ჩვენზე.

მანანაც წამოიზარდა, ლამაზაკი ისწავლა. ყველას აჩვენებდა მამის სურათს. ეტიტინებოდა, — მამა ბევრ საჩუქარს ჩამომიტანს და მალეც დაბრუნდება.

აი დადგა გამარჯვების სანატრელი დღე. დამთავრდა ომი. ანამ შაქროს წერილი მიიღო. იწერებოდა, მალე ჩამოვალ შეგებულბაშიო. თინკოს სიხარულს საზღვარი არა აქვს, მამას ელის. მანანასაც თვალი კარისკენ უჭირავს, ყოველი გახსმურება მამის დაბრუნება ჰგონია, თავის დედოფალს ეუბნება: — ეცი, ბაია, ჩემი მამა ჩამოდის, ბევრ საჩუქარს ჩამომიტანს, შენც შეგიკრავ ახალ კაბას. — მერე ფანჯარასთან მიირბენს და ჩიტებს ახარებს: — ჩიტებო, მოდის ჩემი მამა, რომ მახარებდით მოვაო. შემდეგ ფისოს მოუბრუნდება და ხილების გაშლით ეუბნება: — ფისუნია, ჩემი მამა ჩამოდის, გესმის, ფისო? ჩამოვა ჩემი მამიკო, იმდენ საჩუქარსა და ტყბილეულს ჩამომიტანს, იმდენს...

დედოფალა ჩუმდაა, ფისოს თვლები

თინა და მანანა ობლები იყვნენ. მათი დედა რომ გარდაიცვალა, თინა შვიდი წლისა იყო, მანანა კი რამდენიმე თვისა.

ეს მოხდა გაზაფხულზე, ბუნება ყვავდა. იგი ზღაპრული პატარძალივით მორთულიყო; მრავალნაირი ყვავილი გაფურჩქნილიყო და უხვად აფრქვევდა ჰაერში საამო სურნელებს. თბილი ქვეყნებიდან დაბრუნებული ფრინველები ეივინახივით ტრიალებდნენ ჰაერში და თავიანთ ბუდეებს უბრუნდებოდნენ. აღიდებული მდინარე ხმაურით და ღრიალით მიავარებდა ქვეშასა და ლოდებს. კეკლუცად მორთული არემარე ზიბლაკდა ადამიანის თვალს; ობლების მამა შაქრო კი დაღონებული დადიოდა; მას არ ახარებდა არაფერი, მხოლოდ ბავშვებს მეტი ყურადღებით უვლიდა. დილით სამუშაოზე მიმავალი, თინას საბავშვო ბაღში მიაცილებდა, პაწია მანანა კი ბებია ანასთან რჩებოდა. ბებია მას დიდი მზრუნველობით უვლიდა, დიდიდან საღამომდე მის ირგვლივ ფუსფუსებდა, ბავშვს უდებობას არ ამჩნევინებდა.

იენისის ერთ საღამოს თინას მამა შაქრო, შინ სამხედრო ტანისამოსში გამოწყობილი მოვიდა. წყეულმა მტერმა უეცრად გადმოლახა საბჭოეთის საზღვარი. ქვეყანა ფეხზე დადგა და შაქროც, როგორც სხვა მრავალი საბჭოთა პატრიოტი, უნდა წასულიყო სამშობლოს დასაცავად.





დაუნაბავს, კრუტუნებს; მანანას უხარია ფისოს გახმარება, ბურთს გაუფორებს სათამაშოდ, მისდევს, ბურთი ტანტის ქვეშ მიგორავს, ფისოც თან მიჰყვება, ისევ გამოავორებს, მანანა იცინის, კისკისებს, ბები და თინაც იცინიან, ხარობენ.

ანას სახლი მასლობლებითაა სავსე, გაუგიათ შაქროს ჩამოსვლის ამბავი და ულოცავენ, მოსულან სანახავად. ოჯახში სიმხარულეა. ანა ვერ აუღის მომსვლელების მიღებას და დასტუმრებას. შაქროს ორივე შვილი გაზრდილი დახვდა, უხარია, ერთიმეორეს საჯობნიან თინიკო და მანანა. შაქროს ხან ერთს ეხვევა, ხან მეორეს, ხან კიდევ მოხუც დედას. მანანა მამას კალთიდან არ შორდება, ორდენებსა და მელდლებზე ეპოტინება, მეტ რატომ არ ჩამოიბტანეო, ებუტება.

ანამ კერძი ჩამოარიგა, სტუმარი ქალი შაქროს გვერდით იჯდა. შუა ჭამაში უცებ მანანამ ჰკითხა ბებიას:—ბებია, ბებიკო, მამა რომ ჩამოვიდა, დედა სადღაა, შენ მეუბნებოდი, დედასაც ჩამოგიყვანსო, სადღაა დედა?!

—აი თქვენი დედა, შვილებო!—აჩქარებით მოუგო შაქრომ და მიუთითა სტუმარ ქალზე. ბატარა მანანა მაშინვე გაეჭანა და დედინაცვალს კისერზე ჩამოეციდა, თინა კი ერთბაშად შეიცვალა და მოიღრუშა. დედინაცვალი არ დაიბნა. მანანას ალერსით შეეგება, ხოლო თინას უცმაყოფილება რომ შეამჩნია, ქმარს ხელით ანიშნა არა ეთქვა რა ადელგებული გოგონასთვის.

ერთხანს უხერხული სიჩუმე ჩამოვარდა, შემდეგ ისევ შაქრომ დაარღვია სიჩუმე და უთხრა თინიკოს:—აკოცე, შვილო, დედას!

— არა.—მეცახედ უბასუხა თინამ,—ეგ ჩემი დედა არ არის, მე დედინაცვალი არ მინდა.

კვლავ სანახარებური სიჩუმე ჩამოვარდა, უარესი უხერხულობა გამეფდა.

— არა კონავს რა, შემეჩვევა, დაეხსენახლა ბავშვს,—იმედიანად უთხრა შაქროს ცოლმა.

თინამ ყური მოჰკრა ამ სიტყვებს და თავისთვის ჩაილაპარაკა: „არასოდეს, მე სხვა დედას არ შევიყვარებ, ჩემი დედაცო მამობობდა ზღაპრებს. როდის იყო დედინაცვალი კარგი?“ აცრემლებული თინა მეორე ოთახში გავარდა და ბებიას შემოეძლო კისერზე. ბებიაშ დაუწყია თინას დარწმუნება, რომ ეთერი ნამდვილი დედას მაგივრობას გაუწყვედა.

— შენ ახლა ბატარა აღარა ხარ, თინიკო, უნდა გაუტყუროთ თვალი ეთერს, ის შენ მა-



მიკოს ფრონტზე გაჭირვების დროს გვერდში ედგა, მან მძიმედ დაჭრილი შაქრო ბრძოლის ველიდან თავისი ზურგიით მიიყვანა მდუღარქტამდე. აბა ნახე, შე დამიჯერე, რა კარგი, ტკბილი დედა იქნება, ნუ გაებუტები. მაშა თუ გიყვარს, შეეჩვიე, შვილო, შეუირგდი სხვა დედას.—ბებია არიგებდა, თინა კი ისევ გულამოსკენით ტირილდა.

მანანა პირველი დღიდანვე შეეჩვია, ეთერს შეიყვარა, დედას ეძახდა. თინა ამაზე უფრო ბრაზობდა, მეტად ნერვიულობდა, ჩაფიქრებული დადიოდა.


თინიკოს მოწყენილობა მასწავლებელმაც შეამჩნია და როდესაც ერთხელ მარტო ნახა სკოლის დერეფანში, მზრუნველობით ჰკითხა:

— თინა, რად მოლოუშლობარ? მითხარი, რა გაწუხებს, ან ვინ გაწყენინა?

თინამ თავი ძირს დახარა, თვალებიდან ცრემლები გადმოუცვივდა, გრძელ წამწამებზე დაეკიდა, მერე ლოყებზე დაედინა მარგალიტებივით. მასწავლებელს გაუცვირდა: პირიქით, უნდა ხარობდეს ბავშვი, ომგადანხდილი მსმა დაუბრუნდა, რაშია სსაქმე — გაიფიქრა, გადაწყვიტა მათ ოჯახში მისულიყო და მიზეზი გაეგო.

შაქროს შეგებულება გაუთავდა, ნაწილში უნდა დაბრუნებულიყო. თინას ბუტიობა აფიქრებდა, როდემდის გაგრძელდება ასეო, მაგრამ არასოდეს არ უსაყვედურებდა, ელოდა კი თინას შემობრუნებას.

შაქროს წასვლის დღეც დადგა. შეიქნა კვლავ ფუსტულისი და მზადება მის გასამგზავ-



რებლად. ის იყო შაქრო სახლიდან უნდა გასულიყო, რომ ამ დროს თინამ შემოირბინა და მანას მორცხვად უთხრა: — შამიკო, ჩემი მასწავლებელი მოდის.

— მობრძანდით, მობრძანდით, — გამოეგებნენ ყველანი მასწავლებელს. მან თინას ხელი მოხვია და გაჰყვა. მასწავლებელმა ოჯახში უცხო ქალი რომ დაინახა, მიხვდა, რაშიც იყო საქმე. ხედავს, მანანა არ შორდება დედინაცვალს, თინა კი ალმაცერად უტყვერის. მისთვის გასაგები გახდა თინას მოწყენისა და ცრემლების მიზეზი. მაგრამ არა სთქვა რა, თავისი მოწათის კუთხე და სასწავლო ნივთები დაათვალიერა, ყველაფერი რიგზე დახვდა, კმაყოფილი დარჩა და წავიდა.

შაქრო კვლავ ნაწილში გაემგზავრა, ოჯახშიც ყველაფერი რიგზე დატოვა, მხოლოდ თინას ჯიუტობა აწუხებდა.

თინა ბევრითად სწავლობდა. მასწავლებელი ახლა უფრო განსაკუთრებით ადევნებდა თვალყურს და ეძებდა შესაფერ შემთხვევას, რომ ბავშვს გამოსაუბრებოდა ისე ფრთხილად, რომ გული არ ეტყინა მისთვის, ოღონდ დადებითი რამ ჩაეგონებინა დედინაცვალზე. ერთხელ ვაკეთილზე მოწათეებს წაუკითხა წიგნი, სადაც ეპიზოდურად მოთხრობილი იყო დაასლოთებით ისეთივე შემთხვევა, როგორც თინას ჰქონდა. მოთხრობაში აწერილი იყო დედინაცვლის სულგრძელობა, რითაც მან იკრის გული მოინადირა.

ბავშვიმსა დიდი ყურადღებით მოისმინეს მოთხრობა და თავისეული აზრიც გამოსთქვიეს მოთხრობაზე. თინიკომ არა სთქვა რა, მაგრამ ჩავიქრდა, თვალწინ წარმოუდგა თავისი დედინაცვალი, რომელიც მანანასაც, თვით თინასაც თითქმის მშობლიური სინაზითა და მზრუნველობით ეპყრობოდა, განსაკუთრებით ბატარა მანანას თავს ევლებოდა. იქნებ მართლაც შეიძლება, რომ დედინაცვალმა დაღუპული დედიკოს მავთერობს გაგვიწიოს, — დასკვნა გოგონამ.

თინიკო იმ დღიდან საკრძობლად შეიცვალა, მოლბა, წინანდებურად უხეშად აღარ ექცეოდა დედინაცვალს, აღარც მანანას უსაყვედურებდა: დედას ნუ ეძახით, ოღონდ გამხიარულდა კიდევ, ბავშვს სიცოცხლე დაიტყუო. მაგრამ ძილით კი ისევ ბებიას ოთახში იძინებდა.

ერთ დღეს მანანა ავად გახდა, დეინაცვალმა მაშინვე ექიმს გამოუძახა. ექიმმა გასინჯა ავადმყოფი და სთქვა: ბავშვის სახადი აქვსო, რჩევა — დარიგებს მისცა და წავიდა.

ერთი მანანას ერთი წუთითაც არ შორებოდა, არ იძინებდა, ტანგაუნდელი და-

მეებს ათევა ბავშვის ლოცინთან. ისე გასმოიცვალა ეთერი ამ ხნის განმავლობაში ვეღარ იცნობდით: გაყვითლდა, თვალები ჩაუღურდა. მანანას ავადმყოფობას ისე განიცდიდა, როგორც ნამდვილი მშობელი დედა. თინა აკვირდებოდა დედინაცვლის მოქმედებას, ნელ-ნელა დაუახლოვდა მას და ნანობდა, რად მოეუქეკი მკაცრად.

ერთხელ, როდესაც მანანა ექიმმა კვლავ გასინჯა, კმაყოფილმა უთხრა ეთერს:

— თქვენი ბავშვი უკვე გადარჩენილია, ეს ყველაფერი თქვენი კარგი მოვლის შედეგია, თორემ ძნელი იყო ასეთი ავადმყოფის გადარჩენა.

ეთერს სიხარულისგან ცრემლები გადმოსცვივდა, ექიმს დიდი მადლობა გადაუხადა. მიუბრუნდა მანანას, ალერსით ნაზად მოიხვია და თვალეები დაუცოცნა. როდესაც ექიმი წავიდა, გახარებული ეთერი ბებია ანას მოიხვია. თინა კი შორიასლო იღვა და სინდისი ჰქენჯნიდა, რატომ ადრევე არ შევიყვარეო. ერთხანს კიდევ იჯდა „გაუნძრეკლად, თითქოს აჩუყებულ გრძნობებში გარკვივას ცდილობსო, და როდესაც ბებია სამზარეულოში გავიდა, გაექანა, კისრზე ჩამოეკიდა დედინაცვალს და მოფერებოთ უთხრა:

— დედა, მბატე; შივ შემოყარე მანანასავით, ახლა მეც აღარ მოგშორდები! არ დამემდურები, დედა?

— არა, ჩემო თინიკო, რა დავიშავებია, რათ უნდა დაგემდურო, ჩემო კარგო გოგონა, მოდი გააოცო, შენცა და მანანაც ერთნაირად მიყვარხარო.

ეთერმა თინა მშობლიურად ჩაიკრა გულში. ამ დროს მანანას გამოღვიძებოდა და იერას დაუძახა. ეთერი სწრაფად მიბრუნდა მისკენ.

— დედიკო, მოთხარი ზღაპარი, აი წითილ-ჩოლასი. — უთხრა მანანამ და მოიხვია. ეთერი მძიმე ავადმყოფობიდან ახლადგამობრუნებულ მისუსტებულ ბავშვს იქვე ახლოს ჩამოაჯდა. თინიკოც ჯვეროვით მოისვა და ის იყო ზღაპრის მოყალა დაიწყო, რომ კარზე დააჯაჟნის. ბებიამ კარი გააღო. ოთხკაცილონიმა მას დებეშა გადასცა, რომელშიც ეწერა:

„საახაოწლოდ შინ ვიქნები. გკოცნით ყველას. შაქრო“.



ილიას პირველი ნახვა

მაშინ მე მესამე კლასის მოწაფე ვიყავ და ძლიერ მოუსვენარს მეძახდნენ. ერთი ბებერი კლასის დამრიგებელი გვყავდა. იგი სასწავლებლის უფროსის და იყო და სამსახურში იმიტომ ითმენდნენ, თორემ ისეთი გამორჩეობებული იყო, რომ მოწაფეები „ჭუჭიად“ ნათლავდნენ. ეს ბებრუხანა თავით ფეხამდე თანაბრად იყო შემხმარი, მაგრამ ყვითელ სახეზე იმდენ პუდრს აყრიდა, რომ ჩვენმა კლასმა შემდეგ „ხვიშირის თავიცი“ დაარქვა. მოქაჩლებულ თავზე მორთულობად სამი ადლისოდენა, ბანტებად დაკეცილი შავი არშია ბუერას ბრტყელი ფოთლებივით ედო.

მოწაფეებმა იმიტომ ავითვალწუნეთ ეს ჩვენი მშვენიერი „ადმზრდელი“, რომ ქართული სიტყვის გაგონება ჭირივით სძაჯად. ერთ დილით, ჩანთით კლასში რომ შევდიოდით, ვხედავ ამ ბებერს ახალი კაბა ჩაცვია, გულზე ოქროს ძეწკვი გაეკეთებანა და ბლომად პუდრი შეეყარა... სიცილი ძლივს შევიმაგრე. კარებში შევეფეთე და უცბად უკან დავიხიე, რომ, როგორც მაშინ მღებულ იყო, „რევერანსი“ გამეკეთებინა. ის გამოვიდა, მე კი სუნთქვადაკარგული კლასში შურდულივით შევიჭერ და წარხარით წამოვიძახე:

— ვერა ხედავთ როგორ გამოპრანჭულა! ალბათ, დღეს მამა სერგეის უნდა თავი მოაწონოს და გულისფანცქალით ელის მეთქი. ეს ისეთი პრანჭვა-გრეხით და ისეთი კილოთი წამოვიძახე, რომ ყველამ სიცილი მორთო. სერგეი-გოროდცევი ჩვენს სასწავლებელში საღვთო სჯულს ასწავლიდა. იგი იყო რევოლუციონერების დაუძინებელი მტერი. აი ამ დეკანოზის დიდი თაყვანისმცემელი იყო ჩვენი ბებრუხანა და ის რომ გაპრანჭვით იმასთან ხელზე სამოხვევად მივიდოდა, სიცილით ვიგუდებოდით. იმ დღეს გოროდცევი უნდა მოსულიყო, და აფორიაქებულმა ქალმა რომ ჩემს ქართულს მოჰკრა ყური, ჭორივით დაძევა: *Хухутова, опять ты по своему твваеашь?* დამიყვირა მან და ხელათ სასჯელი გადამიწყვიტა: ყველა გაკვეთილი ფეხზე დგომით უნდა გამეტარებინა და ყოფაქცევაში ნაშნის დაკლებაც აღმითქვა. გული ნაღველით ამევსო, მაგრამ რაღას ვიზამდი? ვიცოდი,



საშინელი უღმობელი იყო და უნდა მომეთმინა.

მეხუთე გაკვეთილად ქართული ენა გვქონდა. ბებრუხანა, რაკი ქართული ეჯავრებოდა, ამ გაკვეთილზე თავის დღეში არ რჩებოდა, რომ უფუნებოდ არ შექნილიყო. მე ამით ვისარგებლე და დავჯექი, რომ ჩემი სამარცხვინო სასჯელი ქართული ენის მასწავლებლისათვის არ მეჩვენებინა. ახალ გაკვეთილად ილია ჭავჭავაძის ლექსი „ქართველის დედას“ მოგვცა; როდესაც მასწავლებელმა გოგებაშვილის „ბუნების კარი“ გადაშალა და მთელი თავისი გულის სიტბოთი დაიწყო კითხვა:

„ქართველის დედაო, ძუძუ ქართველისა უწინ მამულსა უზრდიდა შვილსა; დედის ნანასთან ქვითინი მთისა მას უმზადებდა მომავალ გმირსა...“

უკანა რიგებში, სადაც მე ვიჯექი, მოწაფეები შეიმშუმნენ და ჩურჩული ატეხეს.



მე კი მერხზე დავემხე და ჩუმიად ავტირდი. ეს სიტყვები, ალბათ, გულში ცეცხლად შექმნა და მოთმინება დამაკარგვინა, თანაც ქართული ენის მასწავლებელი მფარველად გვეულებოდა და უფრო თამამად ვიყავით.


მასწავლებელმა კითხვა შეწყვიტა და ჩემი ტირილის მიზეზი იკითხა. მოსწავლე მარიამ უგრელიძემ (ახლა ის პროფესორია) უაზრო ყოველივე. მასწავლებელს სახე შეეცვალა:

— მათთან რად ლაპარაკობთ ქართულად, თავს რაზე ალანძღვინებთ, ვერა ხედავთ, რომ ქართულად ლაპარაკი აკრძალულია?

— მაშ, ქართულს რაღად გვასწავლიან? — გაუბედავად გამოეპასუხა მუდამ წყნარი და მორიდებული ნინო მაჩაბელი, მსახიობ ელისაბედ ჩერქეზიშვილის ქალი.

— აი, აქ, გაკვეთილზე, რამდენიც გინდათ ილაპარაკეთ, აქ გული მოიჯერეთ და...

მასწავლებელმა საშინელი უხერხულობა იგრძნო, რადგან მისი პასუხი კითხვას სულ არ შეეფერებოდა, და ამიტომ ისევ წიგნს წამოაწყო ხელი და გაკვეთილს დაუბრუნდა, რომ მეტი არა ეთქვა რა.



— უი, ვენაცვალე! მაგის დამწერი ჩვენ ეზოში დგას, ყოველდღე ვხედავ და ჩუმიად გულერსებ ხოლმე, — სთქვა ნინო მაჩაბელმა, როცა გაკვეთილი გათავდა. ამ ამბავმა ყველანი აგვანამურა:

— ნინო, შენი ჭირიბე, შენ ვენაცვალე, შენთან წამოვალთ, იქნებ ჩვენც დავინახოთ... შევეხვეწეთ რამდენიმე მოწავე მსახიბელს და შინ წასვლის დროს მთელი ჯგუფი გოგონებისა უკან დავედევნეთ.

ავჭალის ქუჩა მხიარული ყიჟინით ჩამოვიარეთ და ხიკოლოზისა და ავჭალის ქუჩის დასაწყისში ორსართულიან სახლს მივადექით.

ამ შენობას ეზოში შესავალი გვირახბოვით ჰქონდა დატანებული და იქით გავწიეთ. „ივერიის“ რედაქცია იქ იყო მოთავსებული, სანამ ილია ჭავჭავაძე მას სხვას გადასცემდა, თვითონ ილია ხეშო სართულში ცხოვრობდა.

ეზოში რომ შევედით, ლიზა ჩერქეზიშვილის მეუღლე, ცნობილი ქართველი მოღვაწე ნიკო ხიზანიძეილი, გრიგოლ ყიფშიძე (ქართული ენის მესამე მხარე მცოდნე, „ივერიის“ მუდმივი თანამშრომელი) და ილია ჭავჭავაძე პატარა ბაღთან იდგნენ და რაღაცაზე ლაპარაკობდნენ.

— აგერ, აქეთ რომ დგას, ის არის, ის... ვენაცვალე, შეხეთ, რა კეთილი სახე აქვს, — სთქვა ჩუმიად ნინო მაჩაბელმა და თვალბეჭით ცეცხლი დაენთო.

ყველანი უცებ შევდექით და მღელვარებაში ავვიტაცა. თან შეგვრცხვა და დარაბებს ამოვეფარენით. ილია პალტოთი და ქუდით იყო, ეტყობოდა, სადღაც აპირებდა წასვლას. ცოტა ხნის შემდეგ ილია მოლაპარაკეთ დამორდა და გვირახბისაკენ წამოვიდა.

ჩვენ ერთმანეთს გადავხედეთ და უარესი გულისფანცქალი შეგვექნა. დარაბებს მთლად ავეკარით და ისეთი სიყვარულითა და მოკრძალებით დაუწყუყეთ ცქერა, რომ ილიამ იმ წამსვე გაიგო ჩვენი აღტაცება და მშვიდ სახეზე სიამოვნების ღიმილმა გადაურბინა.

— ოჰ, ქალო, ამხანაგები გწვევია?! ჰკითხა ნინო მაჩაბელს ილიამ და გაღიმებული გაემართა გასასვლელისკენ.

ცოტა რომ დავგშორდა, ჩვენმა გიჟმა ბაკურაძემ ვეღარ მოითმინა და უკანიდან მიამხა:

— შენ კი ვენაცვალე, ჩვენო პოეტო... ამ წამომახილზე ბავშვებს შერცხვათ, როგორც ჩიტები ისე დაფრთხნენ და ეზოს სიღრმეში გაცვივდნენ.

მე კი დავიძარ და ილიას ფეხაკრეფით უკან აჩრდილივით დავედევნე.

ილია დინჯი, აუჩქარებელი ნაბიჯით ვორონცოვის (ახლა კ. მარქსის) ხილისაკენ გაემართა და მეც ნელ-ნელა უკან გავყე. მის ფართო მხარ-ბეჭს, მის ქუდს, პროფილს თვალს არ ვამორებდი და მიკვირდა, რომ ფეხით მიდიოდა. თან გული სიყვარულით მეუსებოდა.

— ნეტავი ამას, რომ ასეთი დიდი კაცია. ალბათ, ქვეყანას უყვარს და ძლიერ ბედ-



ნიერია... ვფიქრობდი დაჟინებით და ჩემი თავი მეცოდებოდა, რომ ისეთი პატარა და უმნიშვნელო ვიყავი.

ამ ხანებში ცაზე ღრუბლები აშლილიყვნენ და სრულიად მოულოდნელად ერთი ისეთი დაიჭექა, რომ შინ დაბრუნება ახლა კი გამახსენდა და სწრაფად უკან მოვტრიალდი.

გორონცოვის ხიდს რომ გამოვცდი, ისეთი კოკისპირული წვიმა დაუშვა, რომ იძულებული ვიყავ აფთიაქში თავი შემეფარებინა.

თქვენმა ათი-თხუთმეტი წუთი გასტანა და ისევ სწრაფად გადაიდარა. გულში ჩვენების შიში მქონდა და შინისაკენ ხელათ დავიძარ. მაგრამ დახეთ უბედურებას! ავტალის ქუჩაზე ისეთი დიდი წყალი დარუებულიყო, რომ ხალხი ნაპირიდან ნაპირზე ან ეტლით გადიოდა, ან კიდევ ზურგზე მუშებს ეკიდებოდნენ და იყო ქალების წივილ-კივილი და ხარხარი.


რაკი ჯიბეში ერთი შაურიცაა გამაჩნდა, რომ ეტლით გადავსულიყავ, ერთ ადგილზე აბუხულ წიწილასავით ვიდექ და ცრემლები და დარდი მახრხოზდა.

ამ დროს ეტლის თქარათქარი შემომესმა. გავიხედე და რას ვხედავ? ეტლში ილია ჭავჭავაძე იჯდა და, წყლის პირად წიგნებით ხელში რომ დამინახა, ეტლი გააჩერებინა და ასე მომიხმო:

— მოდი, გოგონა, მოდი, ისეთი კილოთი მომმართა, რომ უარი ვეღარ გავბედე და ხელათ ეტლში შევხტი.

— გასწი, უთხრა მეეტლეს. წუთით წყალმა თვლებისა და ცხენების ფეხქვეშ უფრო უარესად დაიმხუილა. მალე მეორე მხარეზე გავჩნდით და ეტლი იმავ ორსართულიან დიდ შენობასთან გაჩერდა.

— დიდად გმადლობთ,—მეცახე სიხარულით ანთებულმა, თვალის დახამხამებაზე ეტლიდან გადმოვხტი და გავქუსლე.





ძილის ბუფა


ბიჭო, არა კრცხვენია
დასაქმება დედისა?
რომ არ გახდე შემდეგში
მომღურავი ბედისა,—

ადე, შეინაჯარდე,
სხეულს როგორ ანაზებ?
ვეელგან დედა გაკვეება?—
ქრად არ ფიქრობ ამასე?!
ს. მ.

გაშოტიდა ლოგინში,
თითქოს იუოს სნეული,
დედას ასე უბრძანებს:
„მომაწოდე რვეული!“

ტვინს ტალკვესი გაჭკარი,
ნუ ნებივრობ ლოგინში,
უსწავლედი დარჩები
დახმარების ლოდინში!

- დედი, ჩაი დამისხი!
- დედი, ღილი ამიწედა!
- გაკვეთილი ამისხენ,
დედი, გადაძავიწედა!



აკადემიკოსი ნიკო კახსოველი

ძველი საქართველოს ნანგრევთა შორის

(57-ე თავი წიგნიდან „მთა და ბარში“)

ჯავახეთის აღმოსავლეთ მხარის შესწავლამდე პირი მესხეთისაკენ უნდა შემოებრუნებინა. თუმცა ადვილი არ იყო უკან გაბრუნება, მაგრამ მესხეთის მცენარეულობა ჩვენი მიზნებისათვის იმდენად საინტერესო იყო, რომ ყოველი სიძნელე გაბედულად უნდა გადაგველახა.

ოცდახუთ ივნისს ჩვენი ცხენის ურემი ჯავახეთი გაუდგა გზას. გავიარეთ ჭობარეთი, ტამალა და საღამოზე ასპინძას ვიყავით. 20 კილომეტრი იყო, მაგრამ მთელი დღე მოვუნდით, გზადაგზა კლდე და ღრე მოვიარეთ, მასალა შევკრიბეთ და ასპინძაში სკოლის შენობაში დავბინავდით.

ვუსტქერდი ღამის წყვილიდან გამომზირალ მთების სილუეტებს და უნებლიეთ იძვროდა ფიქრები წარსულზე. ეს ხომ საქართველო იყო, სადაც ჩვენს წინაპრებს ბევრი სიხარულიც და მწუხარებაც უნახავთ. ჯერ იქნებ არც კი გამშრალა სისხლი ასპინძის მიდამოებში, იქ, სადაც საქართველოს ფხიზელმა გუშაგმა პატარა კახმა სასტიკად დაამარცხა ჩვენი სამშობლოს დაუძინებელი მტერი. დღეს რომ ფოვლიოდი ამ მინდვრებზე, მიწას ფეხს ფრთხილად ვადგამდი, თითქოს მომესმოდა აქ დაცემულ ჩვენ სახელოვან წინაპართა ხმა: გიყვარდეთ სამშობლო ისე, როგორც ჩვენ გვიყვარდა, იყავით თავდადებული მისთვის ისე, როგორც ჩვენ ვიყავით.

— საუზმე მზადაა, — მომმართა ჩვენმა მეურმე-მეგზურმა და დამირღვია აშლილი ფიქრები. შევედი ჩვენს ახალ ოთახში, დავ-

ხედე შეკრებილ მასალას. „იქნებ ამათში რომელიმე კარგი კაუჩუკოსანი აღმოჩნდეს“, — გავიფიქრე და მომაგონდა წელანდელი ფიქრი. ყველა თავისებურად იბრძვის თავისი ქვეყნისა და ხალხისათვის, — დავატანე ხმამაღლა.

მეორე დღეს გავყევით შარაგზას. ასპინძიდან დიდი მანძილი არ გავვივლია, რომ თვალი მოგვჭრა ხერთვისის შესანიშნავა ციხემ, რომელიც მიწიდან ამოზიდულ კლდეზეა ნაგები. იგი ჯერ კიდევ ამაყად იტყირება არტაანისა და ჯავახეთის მტკვრის შესართავში. მიწიდან ამოზიდულ კლდეზე, რომლის მწვერვალი ციხითაა დამშვენებული და იხე უხდება მას, როგორც გვირგვინი, შეფენილია სოფელი ხერთვისი. სოფელი ხერთვისი განთქმულია თავისი ბაღებით, საუკეთესო ხილით. ხილის ბაღები გაშენებულია მთის ფერდობზე, რომელზეც შრომისმოყვარე ხალხის მიერ შესანიშნავი ტერასებია გაკეთებული, რაც უეჭველად მოწმობს მიწათმოქმედი ხალხის ძველ და დიდ კულტურას.

ხერთვისი ძველთაძველი ციხეა. ჩვენი მემკვიდრეები ხშირად იხსენიებენ ხერთვისის ციხე-ქალაქს, როგორც სამცხე-ჯავახეთის გზის დამცველს. მას ბევრჯერ უნახავს ცხარე ბრძოლები. თემურლენგის ურდოები, შაჰ-თამაზის ყიზილბაშები, ოსმალთა იენიჩარები ერთიმეორეს ცვლიდნენ ციხის ამაყ კედლებთან, რომელსაც ქართველთა შვილები მედგარი მკერდით იცავდნენ.


დიდხანს ვუვლიდით ციხეს გარშემო, მაგრამ დასძლია ჩვენმა პროფესიამ: ციხის

კლდის ნაპრალებში მოკრიფე რამდენიმე რძიანი მცენარე. იქნება ასლა ეს ციხე ამით მოემსახუროს თავის სამშობლოს, რომელსაც იგი მრავალ ასეულ წელს ერთგულად იცავდა.

გაყვებით გზას, რვა კილომეტრზე ხეობა ფართოვდება და აქ მტკვრის ღრმა კარნიზის ძირში ამართულია კლდე, რომელზეც წუნდის ეკლესია აგებული. დღესაც ეს პატარა ტაძარი ერთადერთი ნაშთია წუნდის ქალაქისა, რომელიც ჩვენი ისტორიის წყაროებში უძველეს დროიდან იხსენიება. მისი კარიბჭე და სარკმელი ლამაზი ჩუქურთმითაა შემკული. წუნდის ძირში სოფელია, რომელსაც დღეს ნაქალაქევს უწოდებენ.

ეპ, რამდენი ნაქალაქევია ჩვენს ლამაზ მხარეში,—ეამთა სიავის მიერ განადგურებული სიცოცხლე...

წუნდის ვასწვრივ, ქარაფოვან კლდის პირთან, შესანიშნავი ძველი ტაძარია—კუმურდო. კუმურდოელი ეპისკოპოსი ხშირად იხსენიება ჩვენს ძველ საისტორიო წყაროებში. ტაძარი მეათე საუკუნეში ყოფილა აგებული, 964 წელს, მრავალ ჭირსა და ქართველის გადაუვლია მის თავზე, მისი მკრთალი ქვიშისფერი თლილი ქვით ნაგები კედლები ჩამოხვრეულა და დარღვეულა, მაგრამ სიკოპწიავე, ქართული ხუროთმოძღვრებისათვის დამახასიათებელი, დღევანდლამდე შერჩენია. შეძველებულ ბათქაშზე შიგნით მოჩანს ძველი ფრესკის ნაშთები. ტაძრის მორთულობა იმდენად ლამაზია, რომ განცვიფრებული შესტკერი მას და გიკვირს: ათასი წლის წინათ ყოფილან ხუროთმოძღვარნი,



მშენებელნი, რომელთა სახელი უკვდავების ღირსია და ასეც დარჩებოდნენ, რომ ეამთა სიავეს არ დაეკარგა ისინი ჩვენთვის.

მივდივართ ზევით. ჯერ კუმურდოს სურათი თვალს არ მოშორებია, რომ მტკვრის მარცხენა ნაპირზე აღიმართა კლდის ქარაფები, რომელზეც მოჩანს სახელგანთქმული თმოგვის ციხე, ძველი ქალაქის თმოგვის ნანგრევები. რამდენი სახელოვანი ქართველის სახელია ამ ციხესთან დაკავშირებული! მართო სარგის თმოგველიც კმარა.

ქალაქი მტკიცე გალავნის შიგნით ყოფილა გაშენებული, ციხე კი ისეთი მიუვალი და

430

მკვიდრი იყო, რომ ჩვენი ქვეყნის მრავალმა მოსახლარმა მტერმა ბევრი ენერჯია შეაღია მის აღებას, მაგრამ იგი იღვა ურყევად. 914 წელს არაბთა ხალიფას სარდალმა აბულ კასიმმა ალყა შემოარტყა თმოგვის ციხეს, მაგრამ ვერ სძლია იგი და უკუიქცა. რაც მტერმა ვერ დააკლო, მიწისძვრამ შეუთავა. 1088 წლის აპრილში დაწყებული მიწისძვრა მეორე წლამდე გაგრძელდა და ციხე-ქალაქი დაანგრია, მაგრამ ჩქარა კვლავ აღდგა იგი. მხოლოდ გვიან ჟამთა სიავემ მოუღო ბოლო სახელოვან ციხე-ქალაქს, რომელიც მრავალი საუკუნის მანძილზე იცავდა თავის სამშობლოს.

თმოგვიდან რამდენიმე კილომეტრით ზევით მდებარეობს ძველი ვარძია, კლდეში გამოკვეთილი ქალაქი. შორიდანვე შეგნიშნეთ მაღალ, ციცაბო ტუფოვან კლდეში ნაკვეთი ქალაქი, რომლის გვირაბები მრავალ სარუულად არის ნაგები.

აი მტკვრის პირას უზარმაზარი კლდე გდია, იგი ნახევაროთახია. კლდე ჩამონგრეულა და თან ჩამოუტანია კლდეში ნაკვეთი მთელი ოთახი. შესანიშნავი ოსტატობითაა ნათალი ეს კლდე.

ჩვენი ისტორიული წყაროების მიხედვით, ვარძიის გამოკვეთა კლდეში გიორგი მესამეს დაუწყია (გიორგი III გამეფდა 1156 წელს) და თამარს დაუმთავრებია (თამარი გამეფდა 1184 წელს), ე. ი. ამ ქალაქის გამოკვეთა 30-40 წელს გრძელდებოდა. ჩვენში ხომ ყოველი ციხე-ქალაქის აგებას თამარს მიაწერენ და ამის შემდეგ რა საკვირველია, რომ ვარძიაც თამარის სახელთანაა დაკავშირებული. ვარძიის გვირაბების აღმოსავლეთ ნაწილში ფარული გვირაბებია მოთავსებული. ექვსი კილომეტრის სიგრძის გვირაბში ახლაც მოჩანს წყაროს სათავიდან გამოყვანილი მიღები. გარდა ამისა, შიგ ციხეშიც არის წყარო, ისე რომ მტრის შემოწყობის დროს ეს ციხესიმაგრე წყლით უზრუნველყოფილი იყო.

მემატიანეთა მოწმობით, თამარ მეფე რამდენჯერმე კარგა ხნით დარჩენილა აქ, მაგალითად, 1206 წელს, საიდანაც მან ქართველთა ლაშქარი გაისტუმრა რუქნედიის წინააღმდეგ. დიდხანს იღვა ვარძია უდრეკად თავისი ბრწყინვალეობით. 1551-1552 წელს პირველად შაჰ-თამაზმა ააოხრა ქართული ხუროთმოძღვრების ეს იშვიათი ძეგლი. შიგ კლდეში, გარდა საცხოვრებელი გვირაბისა, გამოკვეთილია დიდი ტაძარი, მთლიანად მოხატულ-მორთული ძველი ფრესკებით. აქვეა დახატული თამარ დედოფალი.

შაჰ-თამაზის მიერ აოხრებული ვარძია აღარ აღდგენილა, მხოლოდ მეცხრამეტე საუკუნეში ტაძარში კვლავ დაუწყიათ წირვა-

ლოცვა. შემდეგ აქ დასახლებულა ორე ბერი, რომლებიც უვლიან ვარძიას¹.


აი ამ 20 კილომეტრის მანძილზე რამდენიმე რამ ვნახეთ: ხერთვისის ციხე-ქალაქი, წუნდა ქალაქი, კუმურდოს ნანგრევები, თმოგვის ნანგრევები, ვარძია... რამდენად კულტურული უნდა ყოფილიყო ეს მხარე, რომ ამ მცირე მანძილზე ამდენი ქალაქი, ამდენი შესანიშნავი ძეგლი აეგოთ! აქ ყვავდა სივრცხლე, ცხოვრება, კულტურა. ჟამთა სიავემ ბევრი რამ მოსპო, მაგრამ ქართველობამ გამოატარა მრავალი საუკუნის მანძილზე თავისი მრავალბრძოლაში ნაცადი დროშა და მეოცე საუკუნემდე მოიტანა. დღევანდელ ცხოვრებაში, სოციალისტურ სამშობლოს მშენებლობაში იგი ერთგული მოღვაწე და მშენებელია.

საღამო ხანი იყო, როდესაც ტაძრის კარიბჭესთან ვისხედით თანამედროვე ხანის სამი მუშაკი და ვაწესრიგებდით დღის განმავლობაში შეკრებილ მასალას. ვარძიის, თმოგვის და სხვათა კლდეებში შეკრებილ მცენარეთა შორის რამდენიმე ათეული აღმოჩნდა ისეთი, რომელიც კაუჩუკისა და გუტაპერჩის ნიმუშების მატარებელი იყო. განსაკუთრებული სიფაქიზითა და სიფრთხილით ვინახავდით ასეთებს. ამ სიფაქიზეს გვავალებდა აი ეს მრავალი დიდებული ნანგრევი და მათი წარსული.

დიდხანს ვსაუბრობდით ჩვენს მასპინძლებთან. ვალმა, ჯავახეთის ზეგანზე, აფნიასა და გოგაშენს ცეცხლები აინთო, ლამის განმავლობაში კიაფობდნენ ისინი. ჩვენ კი ვსაუბრობდით, ვიგონებდით სხვა ძეგლებს—საფარას, იშხანს, საქართველოს საზღვრებს გარეთ დარჩენილს.

მეორე დღეს ავედით სოფელ ზედა თმოგვში და იქიდან გადმოვჭერით გზა ასპინძისაკენ.

დაღლილ-დაქანცულები, შთაბეჭდილებით სავსენი მივედით ბინაზე. ჩვენს მეგზურს უკვე მზად ჰქონდა მგზავრის ლარიბი, მაგრამ გაძრიელი ვანშამი.



¹ დღეს ვარძია ნაკრძალ ძეგლადაა გამოცხადებული და საქართველოს მეცნიერებათა აკადემიაში დაარსებულია მუზეუმი—ნაკრძალი ვარძია, რომელიც უგლის როგორც ვარძიას, ისე სხვა ძეგლებს ვარძიის მიდამოებში.

დიდია და მდიდარი ჩვენი ქვეყანა

ს. ბარბუქიძე

ნახატები ელისევენიისა


ურალი — ოქრო მიწა

როდესაც ვილაპარაკებთ ურალზე, მის წარსულსა, აწმყოსა და მომავალზე, ყოველთვის თვალწინ უნდა გვიდგნენ ურალელნი, პირველი „ძემადნეებიდან“ მოყოლებული, რომელნიც სამასი წლის წინათ გამოჩნდნენ ჯერ კიდევ უცნობ „ციმბირის ქედთან“, და ჩვენი დროის გმირებით—სახელოვან მბურღავ ილარიონ იანკინით, ცნობილ მადნის-მთხრელ ივანე ზავერტაიკოთი და საოცარ მღარავ დიმიტრი ბოსოით გათავებული ურალის დიდება მათი დიდებაა.

ვისაც კი შეხვედრია ჩრდილოეთის ზღვებში ცურვა, მისთვის ნაცნობია სურვილის კონცხის კუმტი მოხაზულობა, კონცხისა, რომელიც კუნძულ ახალ მიწის ყველაზე ჩრდილო კიდურია. თითქოს ყინულოვანი ოკეანის ფსკერიდან ამოზიდულა თოვლითა და ყინულით დაფარული კუმტი კლდეები. ეს კლდეები გასდევნ მთელ ახალ კუნძულს, გაივლიან კარის სრუტესთან, წყლიდან ამოზიდულნი ქმნიან კუნძულ ვაიგახს, იხევენ იუგორის სრუტესთან და კვლავ ჩნდებიან მატერიკზე პაი-ხოის ქედის სახით, რომელიც გარს უვლის კარის ზღვის ნაპირს.

აქ, შორეულ ჩრდილოეთში, იწყება ურალის ქედი. აქედან, გადასჭრიან რა უსაზღვრო ტუნდრებს, 2.200 კილომეტრზე უწყვეტ ჯაჭვივით გაჭიმულან სამხრეთისაკენ ურალის მთები და ბუნებრივი საზღვარი შეუქმნიათ ევროპასა და აზიას შუა.

პოლარული ურალის პირქუშ მალლობებს ცვლიან დამრეცი ქედები, რომლებსაც შეხვდებით სვერდლოვსკის რაიონში, და სამხრეთ ურალის თვალწარმტაცი მწვერვალები; მათ შორის შორიდანვე ხედავს მოგზაური მთას ურალ-ტაუ, ანუ, როგორც ეძახიან ურალელნი, „სამხრეთ-ურალის ევერესტს“, რომელსაც ამაყად აუტყორცნია თავისი მწვერვალი. ლურჯ ჯაჭვად გაჭიმულა სამხრეთისაკენ ტაგანაის ქედი, რაც ბაშკირულად „მთვარის ქვესადგომს“ ნიშნავს. ტყეები თავდება და იქ, სადაც მდინარეები ურალი და სოკმარი მოექანებიან სამხრეთის ჯაჭვების უტყეო ფერდობებზე, ყაზახეთის



ტრამალები ფარავს მიწის სიღრმეში წასულ ურალის ქედის შტოებს.

სულ ცოტა ხნის წინათ გეოლოგებს ეგონათ ურალი აქ თავდებაო. მაგრამ როდესაც გამოიკვლიეს შუა აზიის მთების ჯაჭვები, დაინახეს, რომ აქაც ისეთივე მოხაზულობისა და აღნაგობის იყო მთის ქედები, როგორც ურალში. მუგოჯორის მთებშიც ურალი აღდგა მათ წინაშე. გეოლოგებმა ურალის შტოები აღმოაჩინეს არალის ზღვის სიღრმეებშიც. თავის ძველ ნაცნობს, ჭალარა ურალს, შეხედნენ ისინი ამუ-დარიას ნაპირებზეც, უზბეკებისა და ყარაკალფაქების ქვეყანაში, სადაც კარა-ტაუს ქედზე თვალწინ გადაეშალათ ურალის საყვარელი პეიზაჟი.

და ისინი მივიდნენ იმ დასკვნამდე, რომ ბილული ურალი, რომელიც გეოგრაფიულ რუკებზეა, უზარმაზარი გეოლოგიური სისტემის ნაწილია.

„რა ვინდა, რომ ურალში არ იყოს!“

სამასი წლის წინათ მივიდნენ ურალში გამბედავი მაძიებელნი მთების სიმდიდრეებისა, მადნებსა და „ნაყშიან ქვეს“ ეძებდნენ ისინი. ასეთი გამბედავი მაძიებელნი იყვნენ ძეგები მიხაილო და დიმიტრი ტუმაძეები. 1608 წელს მიხაილო ტუმაძემა ურალში იპოვა ფერადი ქვები და სპილენძის მადანი, ერთი წლის შემდეგ კი მიხმა ძმამ

დიმიტრიმ მდინარე ნეივაზე დაიწყო სპი-
ლენძის გამოღობა.

1703 წელს დაიწყო მშენებლობა ურალის
პირველი რკინის ქარხნისა. პეტრე პირველი
ყოველგვარად ცდილობდა განეციარებინა
ურალში სამთო საქმე, პოლტავის ბრძოლის
შემდეგ მან თვითონ დაჰკითხა ტყვე შვე-
დებს, მათში შეარჩია სამთო საქმის მცოდ-
ნენი და ურალში გაგზავნა, თანაც უბრძანა
ეძებნათ მადანი და ფერადი ქვები და რუ-
სებისათვის შეესწავლებინათ სამთო საქმე.
ეს შვედები ნევიანსკის რაიონში დასახლდ-
ნენ. მალე პატარა მდინარე ისეტის ნაპირზე,
ულრან ტყეში, დაიწყეს ზემო-ისეტის ქარხ-
ნის შენება. ქარხნის მახლობლად გაშენდა
დიდი ქალაქი—დევანდელი სვერდლოვსკი.
ის გადაიქცა ურალის სამთო მრეწველობის
ცენტრად.


1745 წელს ურალში ოქრო აღმოაჩინეს.
მისი აღმოჩენი იყო მწვალეხელი ეროფეი
მაკაროვი, სოფელ შარტაშის მცხოვრები.
მთის ბროლის ძებნის დროს მან იპოვა ოქ-
როსწინწკლებიანი კვარცი. ეკატერინბურ-
გელმა ოქრომჭედელმა დიმიტრიევმა მეოთ-
ხელი მისხალი ოქრო გამოადნო ამ კვარცი-
დან—ეს იყო ურალში მოპოებული პირვე-
ლი ოქრო. ოქროს შემდეგ მალე აღმოაჩინეს
პლატინა, აგრეთვე ზურმუხტი, ტოპაზიონი
და სხვა ძვირფასი თვლები. ურალს „რუსე-
თის ბრაზილია“ დაარქვეს. ცნობილმა მრეწ-
ველმა დემიდოვმა ეკატერინე მეორეს მიარ-
თვა მთის სელისაგან—ასბესტისგან გაკეთე-
ბული ჩანთა. ეს ჩანთა ცეცხლში ჩააგდეს,
მაგრამ კი არ დაიწვა, არამედ უფრო გა-
თეთრდა, რამაც ყველა გააცოცხლა.

გამბედავი და ენერგიული ურალელი ინ-
ჟინერი მაშიშევი ასი წლის წინათ აღტაცე-
ბით ამბობდა:


— კუშტმა ურალმა ქედი მოიდრიკა და
ძლიერი რუსეთის მოხარკე გახდა, შემდგომ
კი მის არსენალად და საგანძურად იქცა.
მან იარაღისა და მრეწველობისათვის მისცა
რუსეთს ლითონები—რკინა, სპილენძი და
ოქრო, ხოლო ბროლი, ამეთისტო და ტოპა-
ზიონი—სამკაულისთვის.

გენიალურმა რუსმა ქიმიკოსმა მენდე-
ლევმა იწინასწარმეტყველა — რუსეთის
სამრეწველო ცხოვრების ცენტრი სამხ-
რეთ-აღმოსავლეთისკენ, სამარისკენ, სამხ-
რეთ ურალისკენ დაიწყებს წაწევასო.

მაგრამ მეფის მთავრობას არაფრად მოს-
წონდა ეს წინასწარმეტყველება. ოქტომბრის
რევოლუციამდე უცხოეთის კაპიტალისტებს
ეკუთვნებოდათ ფაბრიკა-ქარხნები და მალარო-
ები; მათ ინგლისიდან შემოჰქონდათ რუსეთ-
ში ქვანახშირი, ალუირიდან—ფოსფორიტე-



კარის ჯღვის ყინულებიდან ყაზახე-
თის ხორშაკიან ტრამალეზამდის.



ბი, გერმანიიდან—კალიუმის სასუქები. ყველა ეს და ბევრი სხვა სასარგებლო მთამადნეული უხვად იყო ურალში, მაგრამ მთა არავინ იყენებდა, ისინი ელოდნენ ნამდვილ პატრონს, რომელიც ხალხის სასარგებლოდ გამოიყენებდა ამ სიმდიდრეს.

ასეთი პატრონიც მოვიდა — მშრომელმა რუსის ხალხმა ხელთ იგდო ძალა-უფლება და უკაპიტალისტებოდ მოაწყო თავისი ცხოვრება. ამ პატრონის ხელში გაახალგაზრდავდა და გაიფურჩქნა ქალაქი ურალი.

ურალში 800-ზე მეტი მინერალია. ძნელია იმის თქმა, თუ რომლებია მათში მთავარი, რომლებს შეუძლია ყველაზე მეტი სარგებლობის მოტანა ჩვენი ქვეყნის მეურნეობისათვის.

იყო დრო, როდესაც ურალი განთქმული იყო ოქრო-ვერცხლითა და ძვირფასი თვლებით. შემდგომ ოქროს მიემატა პლატინა—ეს ძვირფასი ლითონი, რომელსაც ახლა იყენებენ ზუსტ ხელსაწყოებში, ელექტროტექნიკურ და ქიმიურ აპარატებში.

მთელს ურალში ვხვდებით ფერადი ლითონის, უმთავრესად სპილენძის, საბადოებს. სპილენძის გვერდით ბევრგან აღმოაჩინეს მეორე მნიშვნელოვანი ფერადი ლითონი — თუთია. დიდხანს ვერსად მიაგნეს ურალში კალას, ახლა ისიც აღმოჩნდა — შორს, ჩრდილოეთით.

თანამედროვე აეროპლანების გაკეთება წარმოუდგენელია უალუმინოდ, რომელსაც „მფრინავი ლითონი“ დაარქვეს სიმსუბუქის გამო. ალუმინის მადნის მრავალმილიონიანი მარაგია მთელს ურალში, შორეული ჩრდილოეთიდან ყაზახეთის ტრამალეზამდის.


ურალში იზოვეს თითქმის ყველა იშვიათი ლითონი—კობალტი, ბისმუტი, კადმიუმი, ინდი და მათი თანამგზავრი სელენი და ტელური. ალბათ გაგვიგონიათ ფოტო-ელემენტის შესახებ, რომელსაც, სინათლეზე რეაგირების შედეგად, შეუძლია გააჩეროს ან აამოძრავოს რთული მექანიზმები. ეს ყოვლისმხედველი ფოტო-თვალი, ფოტო-ელემენტის მთავარი ნაწილი, არის ელემენტი სელენი. ზემოაღნიშნულ სხვა იშვიათ ლითონებსაც დიდი მნიშვნელობა აქვს მრეწველობისა და სოფლის მეურნეობისათვის.

აურაცხელ დოვლათს აძლევს ჩვენს ქვეყანას ურალის „ნაყოფიერების ქვა“, რომელსაც სოლიკამსკის კალიუმის მადაროები იძლევა. სოლიკამსკის საბადოს ვერც ერთი საბადო ვერ შეედრება მსოფლიოში. ქვამარილს, ქლოროვან კალიუმს, მაგნიუმისა და ბრომის მარილებს იყენებენ საკოლმეურნეო მინდვრებშიც და ქიმიურ ქარხნებშიც.

თუმცა ძლიერ ბევრი რამით არის ურალი მდიდარი, მისი მთავარი სიმდიდრე არის რკინის მადანი და ის დამატებითი მადანია, რომლებიდანაც მზადდება სხვადასხვა მარკისა და თვისების სპეციალური ფოლადი.

ურალის რკინის მადნების მნიშვნელობა დიდია არა მხოლოდ იმიტომ, რომ მილიონი ტონობითაა, არამედ იმიტომაც, რომ ურალი იძლევა სხვადასხვა ტიპის რკინის მადანს. ზოგან რკინის საბადოები შეიცავს ქრომსა და ნიკელს, რომლებიც აუცილებელია სპეციალური თვისების ფოლადის მისაღებად, ზოგან კი თვით ამ უმნიშვნელოვანესი ლითონების საბადოებია.

სულ ცოტა ხნის წინათ ურალის მეტალურგიულ ქარხნებს კავკასიიდან და უკრაინიდან აწვდიდნენ შავ ქვას, ახლა კი თვით ურალში აღმოაჩინეს შავი ქვის საბადოები.



ურალის მინერალები.

დიდი შრომა, დიდი ენერჯიაა საჭირო, რომ აღამიანის საკეთილდღეოდ გამოვიყენოთ ეს უამრავი სიმდიდრე—მრავალი ათასი მოტორის, ორთქლის ძრავების, დაზგებისა და მექანიზმების ამუშავებაა საჭირო.

ურალის ქვანახშირი და ნავთი გააკეთებს ამ საქმეს. მათ დაეხმარება ურალის მდინარეების „თეთრი ნახშირი“—წყლის ვარდნის ძალა. ამრიგად, ურალის მრეწველობა უზრუნველყოფილია საკუთარი ენერჯეტიკით.

თუ თქვენ უკვე სწავლობთ ქიმიას, მინდელეევის ტაბულაც გეცოდინებათ. ამ ტაბულაზე აღნიშნულია ქიმიური ელემენტები, რომლებიც კი მოიპოვება დედამიწაზე, და ამ ტაბულიდან მხოლოდ ოთხი ელემენტი არ არის ნახული ურალში. ამ ოთხიდან ორი ელემენტი მხოლოდ ნაწინასწარმეტყველება მენდელეევის მიერ, მაგრამ საერთოდ არსად არ არის ნახული დედამიწაზე. და



ამიტომ ჩვენ შეგვიძლია ვთქვათ, რომ არ არის დედამიწაზე ისეთი ქიმიური ელემენტები, რომლებიც არ მოიპოვებოდეს ურალში. ეს კიდევ ცოტაა—ეს ელემენტები იქ ისეთი რაოდენობითაა, რომ ხელსაყრელია მათი მოპოება. ისეთი ადგილი, როგორც ჩვენი ურალია, არსად არ არის დედამიწაზე. ამის შესახებ შესანიშნავად თქვა ამხანაგმა სტალინმა: „ავიღოთ თუნდაც ურალი, რომელიც წარმოადგენს სიმდიდრეთა ისეთს კომბინაციას, როგორსაც ვერ იპოვით ვერც ერთ ქვეყანაში: მადანი, ნახშირი, ნავთი, პური—რა გინდა, რომ ურალში არ იყოს?!“

ურალის ქედის ისტორია

როგორ გაჩნდა სიმდიდრეთა ეს არანახული შეხამება?—ამ კითხვაზე პასუხის გასაცემად ჩვენ უნდა გადავხედოთ დედამიწის შორეულ წარსულს, იმას, თუ რა იყო მრავალი ასი მილიონი წლის წინათ. ამაში დაგვეხმარება ამას წინათ გარდაცვლილი აკადემიკოსი ა. ე. ფერსმანი, ურალის ერთ-ერთი შესანიშნავი მკვლევანი. აი რას ამბობს ის იმ შორეულ წარსულზე, როდესაც დედამიწა ნელ-ნელა ცივდებოდა და ამ გამდნარი ოკეანეში დაცურავდა უზარმაზარი მასივები—ფარები, მომავალი მატერიკების ნაწილები.

ერთ-ერთ ასეთ უზარმაზარ ფარს რუსეთის ფარი დაარქვეს გეოლოგებმა, მეორეს კი—ციმბირისა. იმ ადგილას, სადაც ერთმანეთს დაეჯახა ეს ორი ფარი, ურალის ქედი გაჩნდა.

გაიხსენეთ ყინულთსვლა. ყინულის ხორგები ეჯახება ერთმანეთს, ერთი ხორგი მეორეს ქვეშ მოიქცევის, მათ ჩამოემტვრევა კედლები, ირგვლივ ხორგების ნამტვრევები და ამ ნამტვრევებიდან ნაკადულებად მოდის წყალი. გეოლოგიური პერიოდების მანძილზე, მრავალი ათი და ასი მილიონი წლების განმავლობაში, ასე ხდებოდა ურალის ქედზეც. ის გაჭედილი იყო ორ ფარს შორის, რომელნიც ერთმანეთს ეჯახებოდნენ დედამიწის ქერქის რყევის გამო, აღმოსავლეთით კი ხშირად მოგორავდნენ ქვის ტალღები, სიღრმეებიდან ზევით ამოდიოდნენ გამდნარი მასები, ცივდებოდნენ და დაკრისტალდებოდნენ. ასე დაგროვდა ის რთული და მრავალფეროვანი ქიმიური ნაერთები, რომლებმაც წარმოქმნეს ურალის სიმდიდრენი.

ყველაზე ადრე მიწის სიღრმეში წარმოიქმნა ე. წ. დრუნგალები, ისინი შეიცავენ მაგნიუმს, რკინას, ქრომს, ნიკელს, ზოგჯერ ტიტანსა და ვანადისაც, ყოველივე ეს კი სწორედ ის ლითონებია, ურომლისოდაც

ვერც ერთ თანადროულ მანქანას ვერ გააკეთებ.

გამდნარი მასები ნელა ცივდებოდნენ სიღრმეზე. მათგან გამოიყოფოდა უძველესი ბული ხსნარები. ასე წარმოიქმნა ფერადი ლითონების გოგირდოვანი ნაერთები—ტყვიის, თუთიის, სპილენძისა. მათთან ერთად მიწის წიაღიდან ზევით ამოდიოდნენ უფრო იშვიათი ლითონებიც—ბისმუტი, კობალტი, კადმიუმი. ასე შეემატა ურალის ისტორიას ახალი გვერდი—გაჩნდა ფერადი ლითონების წყარო.

იშვიათი ლითონები, რომლებიც ურალში მოიპოვება, დაკავშირებულია ურალის განთქმულ გრანიტებთან. ეს გრანიტები წარმოიქმნა გაციებული მაგმიდან—გამდნარი ნივთიერებიდან, რომელიც მიწის წიაღიდან ამოდიოდა, გარემომცველ ქანებში შედიოდა, ნაკადულებად იღვრებოდა, თითქოს ქმნიდა ერთი გრანიტის ხის დიდსა და პატარა ტოტებს. ამ გრანიტის მასებში, რთული ქიმიური და ფიზიკური პროცესების მეოხებით, გროვდებოდა ფტორის, ბორის, ბარილიუმისა და ლითიუმის ელემენტები. კვარცის ძარღვებში ილექებოდა მოლიბდენისა და ვოლფრამის მადნები, რომლებიც გვაძლევს ახლა შესანიშნავ თვითმბრძმედ ფოლადს.

თანდათანობით დედამიწის ისტორიის იმ ხანისათვის, რომელსაც გეოლოგები პერმის ხანას უწოდებენ, ურალის ქედის მძაფრი აწყობა განელდა. მიწისქვეშა ოკეანე დაწყუნარდა. ურალის მთებთან დასავლეთით მოგორდა დიდი პერმის ზღვის ტალღები. ეს ზღვა გადაჭიმული იყო რამდენიმე ათას კილომეტრზე, მოიცავდა თანადროულ კასპიის ზღვას და მისი ენები დასავლეთით თითქმის ხარკოვამდის აღწევდა.

მძლავრ მდინარეებს ურალის მთებიდან ზღვაში ჩაჰქონდათ სხვადასხვა ლითონი. ზოგი ლითონი ზღვაში ილექებოდა, ზოგი რნებოდა და გროვდებოდა მომაკვდავ ზღაში. ასე წარმოიქმნა შესანიშნავი სოლიკამსკის კალიუმის საბადოები, უზარმაზარი მიწისქვეშა დარბაზები, მოსკოვის მეტროს მიწისქვეშა დარბაზებზე ორმოცჯერ უფრო დიდები.

დედამიწა თანდათან ცივდებოდა. მის ზედაპირზე ორგანული ცხოვრება წარმოიშვა. გაჩნდა უღრანი ტყეები, რომლებიც მომდევნო გეოლოგიურ პერიოდებში ჩაიმაძრა და ურალის ქვანახშირად იქცა, ხოლო მიწისქვეშ ჩამალული წყალხაკლი ზღვების ადგილას, ჯერ კიდევ გამოუცნობ პირობებში, წარმოიშვა ურალის ნავთი—„მეორე ბაქო“.

(დასასრული შემდეგ ნომერში)



(წიგნიდან „აზრიკის ტყეებში“)

ორმოცდარვა დღეა, რაც ბუნების ტყვეობაში ვიმყოფები და მარტოღმარტო დავებნეტები აფრიკის უღრან ტყეებში, დავეძებ დაჯარულ მეგობრებს. ყოველ ფუნის გადადგმაზე საფრთხეს მოველი, საეჭვო ხმაურზე სმენას ვიმასვილებ და უხილავ მტერთან საბრძოლველად ვემზადები. თოფი მუდამ მომარჯვებული მაქვს და ხანჯალი ნახევრად ამოწეული. სახუმარო საქმეა? კენტად ხარ ნადირთა შორის, საიდუმლოებით მოცულ გარემოში, სადაც ყოველ ხესთან, ყოველ ბუჩქთან საშიშროება მოგელის. ამხანაგიც არა იყავს, რომ დაგეხმაროს, იმედი მოგეცეს. მოდი და ნუ შეგეშინდება. პირველ დღეს მეშინოდა, ფოთლის შრიალიც კი საფრთხობდა, მერე კი მღვდომარეობას შეეუბრედი, შევეჩვიე. მეტი რა გზა მქონდა. ამ ხნის განმავლობაში აღამიანი თვალით არ მინახავს, არავის დავლაპარაკებია. მეშინია მეტყველების უნარი არ დავკარგო. ვინ იცის, კიდევ რამდენ ხანს დავრჩები ამ უკაცურ ადგილას, ვინ იცის!

მხოლოდ სამი უენო, მაგრამ ძლიერი „ამხანაგი“ მახლავს, — ესენი არიან ჩემი თოფი, რევოლვერი და ხანჯალი. მათ მივანდე ჩემი ბედი და, ვფიქრობ, არ მილატებენ. ღამეს ხეზე ვატარებ და კურდღლივით ფრთხილად მძინავს. ჯიქის თავდასხმას ველოდები. ის ხომ ხეზე კატასავით აღის და შიპარვით უყვარს მიხლომა. სწრაფია როგორც ელვა და უეცარი თავდასხმით ადვილად იმორჩილებს მსხვერპლს. შეიარაღებუ-

ლი საშინელი კბილებით და ბრჭყალებით, რამდენიმე წუთში აღამიანს ნაფლეთებად ატყევეს. მან არ იცის, რა არის შიში, უკან დახევა. მძიმედ დაჭრილიც რომ იყოს, არ გაეშტევა მტერს; ან დაგლეჯს მას, ან ზედ შეაკვდება. მე ეს ყველაფერი კარგად ვიცი და მზად ვარ ყოველ შემთხვევისათვის. ამოღებული ხანჯალი თავქვეშ მიღვეს, თოფი — გვერდზე.

ხშირად მესმის ჯიქის მრისხანე რუხრუხი. ალბათ დამეძებს და ჩემთან აპირებს ძაღლის გამოცდას. ვიცი: სისხლისმსმელია და დაჟინდობელი. არც მე დავინდობ. თუ თვალი შევასწარ, მეტი არ მინდა. იმედი მაქვს, მიზანს არ ავაცდენს. კიდევაც რომ ავაცდინო, ხანჯალი ხომ თან მაქვს. რკინას ჰკვეთს მისი ფხა. მაგრამ მოვასწრებ კი დარტყმას?

ჯერჯერობით მტაცებელ მხეცს პირისპირ არ შევხვედრივარ, შორიდან კი მომიკრავს თვალი, მასაც შევუმჩნევივარ, მაგრამ ბრძოლას მორიდებია. არც მე გადავსულვარ შეტევაზე. ვგრძნობ, რომ ეს მღვდომარეობა დიდხანს არ გაგრძელდება. ჩვენ შორის მანძილი თანდათან მცირდება და როცა იქნება შევეჯახებით...

ვიკვებები უშთავრესად ხილით, იშვიათად ცხოველის ხორცი. პურის მაგიერობას ბანანი მიწევს, თუმცა ამასაც ხშირად მოკლებული ვარ. ნახევრად მშობერი, შემოკლებული ტანსაცმლით, ველურივით დავდივარ. დავდივარ და დავეძებ, მაგრამ ვე-



რავს ვბოლოვ. სადა ხართ, ჩემო მეგობრებო, სად?

ეს მეორე დღეა თავის ტკივილი მოსვენებას არ მძღევს, მუხლებიც მისუსტდება. მაჯისცემა ჩვეულებრივზე ჩქარი მაქვს. მგონი დამსიცხა. ავად რომ გავხდე, დავიღუპები. სასოწარკვეთილებაში ვარ ჩავარდნილი, არ ვიცი რა ვქნა!

ათრიკის უღრან ტყეებში მხოლოდ ძლიერს შეუძლია არსებობა, სუსტი კი არსებობისათვის ბრძოლაში იღუპება, დღეს თუ არა, ხვალ მაინც. „მოკვალ და იარსებე“.—აი, უღმობელი კანონი უდაბური ბუნებისა. მოკვლა კი აქ მხოლოდ ძლიერს შეუძლია და, მამასადაძე, არსებობაც.

ორი მტერი მყავს: შიმშილი და ნადირი. ვიღრე მკლავში ძალა მაქვს და იარაღი ხელთ მიპყრია, ჩემი დამარცხება ძნელია. ყოველ შემთხვევაში, მე ასე ვფიქრობ. მაგრამ თუ ავადმყოფობამ დაამჯაბნა და ძალა წამართვა, მაშინ ან ერთი მიმსხვერპლებს, ან მეორე. დანდობა არ მექნება.

ზოგჯერ შიმშილი მაძულებს ჩემი აიციოცხლე საფრთხეში ჩავაგდო. გუშინ დილით ერთი ქოქოსის კაკლისათვის შიმშილს შევებრძოლე. საკვების ძებნაში გართული შემთხვევით წავაწყდი მას. შიმშილს ადრევე შევემჩინე და ბუჩქებში ჩამალული თვალყურს მადევნებდა. ცნობისმოყვარეობამ გასცა. ახლოს რომ ჩავუარე, ბუჩქებიდან თავი გამოყო, რომ კარგად შეეხედა უცნაური არსებისათვის. საექ-

ვო მოძრაობა არ გამოიმეპარა. ვერ ვიტყვი რომ დამანჭული სახის დანახვა სასიამოვნო ფილიოს ჩემთვის. ზურგზე სიცივემ გადამიარა, თუმცა ძლიერ ცხელიდა. უმაღლე გული გავიბაგრე, რადგან შიში სიკვდილისაგან ვერ მისხნიდა. გაქცევას თავდასხმა ვაძჯობინე. ხანჯალზე ხელი გავივლე და ბუჩქებზე იერიში მივიტანე. თოფი დამავიწყდა ჩასაფრებულის საბედნიეროდ, ჯერ არ ვიცოდი, ვისთან მქონდა საქმე. ბანჯგვლიანმა მკლავებმა ბუჩქები გადასწია და ღია მინდორზე შიმშილზე გადმოხტა. ქურდულად თვალი შემავლო და გაქცევა სცადა, მაგრამ დავასწარ და გზა გადავუღობე. იძულებული გახდა შემბრძოლებოდა. ქოჩორი ყალყზე დაუდგა. მწვანე თვლები ცეტსლივით აენთო. ჯერ ძლივით აყეფდა, მერე კი განიერ მკერდზე მკლავები აჩქარებით დაიშინა. ამით მანიშნა თავისი მზადყოფნა. რომ ქოქოსის კაკალი არ შემემჩნია მის ხელში, შეიძლება ჩვენი შეხვედრა მშვიდობით დამთავრებულიყო და შიმშილზე უფლებლად გამეშვა, მაგრამ ორი დღე არაფერი მეჭამა. გადავწყვიტე კაკლის დასაკუთრება. ჯერ არ შინდოდა სისხლის ტყუილუბრალოდ დაეფრა. ვცდილობდი კაკალი გამომეგლიჯა ბატონის ხელიდან, მაგრამ უფერურმა არ მოისურვა მისი დათმობა. ვრძელ მკლავებს სწრაფად ამოძრავებდა და ახლოს არ მიშეგებდა. ერთი-ორჯერ კიდევ ვამარტყა სახეში და თანაც ფეჯაკის კალთა ჩამომახია. ამან გამაბრუნა და მკლავში ხანჯალი ჩავაარ. შიმშილზე სიმწარისაგან ყრულ დაიგპინა და უკან მიაწყდა. კაკალი ხელიდან გაუფარდა, მაგრამ ჯერ მისთვის არ შეცალა. მე მოველოდი: ჭრილობა შიმშილს გაათვთრებდა და თავდავიწყებით მეკვეთებოდა, მაგრამ ეს არ მოხდა. მრისხანება სახიდან გაოქრა. შეშინებული თვლები ხანჯალს დააშტერა, რომლის წვერიდან სისხლი სწვეთდა. მერე ჭრილობაზე გადაიტანა და... ცრემლები გადმოყარა. შიმშილზე ტიროდა. ტიროდა და თან ხელის დაფარებით ცდილობდა სისხლის დენის შეწყვეტას. ამ სურათმა შემაძრწუნა. გავკიცხე ჩემი საქციელი და აჩქარებული ნაბიჯით გავშორდი მას. კაკალი—საგანი ჩვენი ჩხუბისა, ადგილზე დარჩა...

ამრიგად, მეც ვიბრძვი არსებობისათვის. ვიბრძვი. ვიღრე მკლავებში ძალა მაქვს და იარაღი ხელთ მიპყრია...

ერთადერთი ნუგემის მომცემი არიან ყაჯო თუთიყუში და პატარა მამიუნები, დღია-მვილი, დიანა და კოკი, რომლებიც ჩემს ხეზე ბუღობენ. თუ რაიმე საფრთხე შეამჩ-



ნიეს, ხმაურით მაფრთხილებენ. მათი დიდი იმედი მაქვს. ამ ორმოცდარვა დღის განმავლობაში საკმაოდ შემეჩვივნენ. აღარ მიფრთხიან და არც ჯოხებულს მიძინებენ. შინაური კაცი გავხდი. განსაკუთრებით შემეჩვია შვილი. არ ვიცი, მე შემეჩვია თუ ჩემს შოკოლადებს და ტკბილ ნამცხვრებს, რომლებიც ასე უსირცხვილოდ დამცანცლა. მართალია, დედა მაიმუნი ჯერ კიდევ უნდობლად მიყურებს, შვილს ტუქსავს, უშლის, მაგრამ კოკი მაინც ჩამოიპარება ჩემთან, კუდიით დაეკიდება ტოტზე, გამოიმწვდის ხელს და თან იმე შემეფრთხილებს და თან ჩანთას. ცხადია, შოკოლადს მხოლოეს. მაგრამ ჩანთა დიდი ხანია დაცარიელდა, შიგ ნამცეცეც არ არის. რაც მქონდა—დავუთმე. მაინც კიდევ იმედი მაქვს, რომ მივცემ რამეს. განგებ თვალუბს ვიბრძალებ, თითქოს ვერ ვამჩნევ მის წამოწვდილ ხელს. ის ხმაურით ცდილობს ჩემი ყურადღების მიპყრობას, მაგრამ არაფერი გამოუდის. შემდეგ ხელით ოდნავ შემეხება, მომაგონებს, აქა ვარო. ბოლოს იმედგაცრუებული ბრუნდება დედასთან. რაკი არაფერს მივცემ, ვამაჯავრებს: თავზე ხელს ჩამომკრავს, მერე ტოტზე შესტება და კბილებს მიჩვევებს. ეს პატარა ოინბაზი საშინელი ქურდობაცაცაა. ჯიბეები დამიციარიელა: ფანქარი, ბლოკნოტი, ცხვირასხოტი, სარკე ამომაცალა და ფულიც თან გააყოლა. გუშინდამ, როცა მეძინა, ორჯერ სცადა ჩანთის მოპარვა, მაგრამ გავუგე და თუ პირველად ვაპატიე, მეორეჯერ ლაზათიანად მივტყეპე.

არ ვიცი, როგორ წავიდოდა ჩემი საქმე, რომ კოკის დედა—დიანა ერთგულ დარაჯად არ მყავდეს. საოცარი სძენის და ყნოსვის მეოხებით შორიდანვე გრძნობს მტრის მოახლოებას და მაფრთხილებს. მიმიკით—სახის კუნთების მოძრაობით მაგებიანებს: თავს უშველვ, მტერი მოდისო. თუ მძინავს და საშინოება მომელის, სწრაფად ჩემთან გაჩნდება და ხელის წაკვრით გამომალვითებს. ამ პატარა მეგობრის სიფხიზლის წყალობით ბევრჯერ დამიხსენია თავი განსაცდელისაგან...

როცა სევდა შემიპყრობს, ეაკოს მივმართავ:

— ეაკო, ჩემო კარგო ეაკო, არ გეძრალეზი? — ეაკო უმალვე შემესიტყვება:

— გაიღვიძე, აჩილ, გაიღვიძე! გათენდა! დილა მშვიდობისა, ძია აჩილ! ეაკოს შია, ო, როგორ შია! დიანა! კოკი, მოდი აქ!...

ეაკო ერთადერთი არსებაა, რომელსაც

ვესაუბრები და თავს ვირობ. ისე შემეჩვივა და გამითამამდა, რომ პირიდან ლოკებს ძართმევეს, ლოყაზე ნისკარტს და დავს მის ვამს, ამით თავის ნაზ გრძნობას გავიწყტავს. გულკეთილი და მიმნდობი ფრინველია, როგორც საერთოდ ყველა თუთიყუში.

პატარა კოკი, როგორც კი საუბარს ყურის მოჭკრავს, ტოტზე ანცობას თავს ანებებს, ჩამოცოცდება ჩვენთან, გულმოდგინედ იქეჭება და თან ყურს გვივლებს. ვითომ რასაც ლაპარაკობთ, ყველაფერი მესმისო.

ეაკო, როგორც კი თავის სიტყვათა ლექსიკონს ამოწურავს, თავიდან იწყებს ტიკტიკს: „გაიღვიძე, აჩილ, გაიღვიძე“ და სხვა. სიტყვა „გაიღვიძე“ გამოთქმა უჭირს. ბგერები „ლ“ და „ძ“ ჯერჯერობით ვერ დასძლია და მისი „გაიღვიძე“ ისმის, როგორც „გაიხვიზე“. სახელიც თავისებურად გადამიკეთა და არჩილის მაგივრად მოკლედ მოჭრა: „აჩილ“.

ყოველ დილას, მზის ამოსვლის ეამს, გაისმის ეაკოს მყვირალა, მაგრამ ჩემთვის სასიამოვნო ხმა: „გაიღვიძე, აჩილ, გაიღვიძე!“





რგოლის ხელმძღვანელის დღიურში

ამ შემოდგომისათვის პიონერულ ცხოვრებაში მნიშვნელოვანი ცვლილება მოხდა. დიდი სამამულო ომის წლებში თითოეული რაზმეულისა და რაზმის სათავეში შტაბი იდგა. შტაბის წევრები, აგრეთვე რგოლის ხელმძღვანელები, კი არ ირჩეოდნენ, არამედ ინიშნებოდნენ.

ახლა ახალგაზრდათა ლენინური კომუნისტური კავშირის ცენტრალური კომიტეტის დადგენილებით გაუქმებულია პიონერულ რაზმეულებსა და რაზმებში რაზმეულისა და რაზმის შტაბის წევრების, აგრეთვე რგოლის ხელმძღვანელების დანიშვნა, გაუქმებულია ბრძანებების სისტემა. ამის ნაცვლად შემოღებულია არჩევნები. ახლა პიონერული რაზმეულისა და რაზმის სათავეში იქნება შტაბი კი არა, არამედ საბჭო, რგოლის სათავეში კი რგოლის ხელმძღვანელი, რომელთაც თვით პიონერები აირჩევენ თავის შეკრებაზე.

ეს არჩევნები ჩატარდება წელიწადში ერთხელ. 1 სექტემბრიდან 15 სექტემბრამდე მოხდება რგოლის ხელმძღვანელთა და რაზმის საბჭოს არჩევნები, ხოლო 15 სექტემბრიდან 25 სექტემბრამდე—პიონერრაზმეულთა საბჭოების არჩევნები.

რგოლის ხელმძღვანელი აირჩევა რგოლის შეკრებაზე. რაზმის საბჭო—ხუთი-შვიდი წევრის შემადგენლობით, რომელთა რიცხვში შედის რაზმის საბჭოს თავმჯდომარე, კედლის გაზეთის რედაქტორი და მედროსე—აირჩევა რაზმის შეკრებაზე. რაზმეულის საბჭო აირჩევა მხოლოდ იმის შემდეგ, როდესაც დამთავრდება ყველა რგოლში რგოლის ხელმძღვანელებისა და ყველა რაზმში რაზმის საბჭოს არჩევნები.

როგორც ხედავთ, ყველაზე ადრე ხდება რგოლის ხელმძღვანელის არჩევა. მაშასადამე, ყველაზე ადრე რგოლის ხელმძღვანელებმა უნდა დაიწყონ მუშაობა. როგორც კი დამთავრდება არჩევნები, რგოლის ხელმძღვანელებმა მაშინვე შეკრიბეთ თქვენი რგოლის წევრები და მოითათბირეთ შემდგომ მუშაობაზე.

როდესაც კარგად გაცნობით თითოეული წევრის საქმიანობა-მისწრაფებასა და უნარს, ამის შემდეგ უნდა შეუდგეთ რგოლის სამუშაო გეგმის შედგენას. რგოლის ხელმძღვანელებმა აუცილებლად კარგად უნდა გაითვალისწინონ თავისი რგოლის თითოეული პიონერის სურვილი და უნარი რგოლის სამუშაო გეგმის შედგენისას. ბუნებრივია, თუ რგოლის გეგმა შედგენილი იქნება რგოლის თითოეული წევრის მისწრაფებისა და უნარიანობის საფუძველზე, რგოლის მუშაობა ხალისიანი და ნაყოფიერი იქნება.

რგოლის შეკრებებზე შეგიძლიათ ააგოთ მოდელები, შეისწავლოთ სიმღერები, ერთად წაიკითხოთ საინტერესო წიგნი, შეისწავლოთ მორხესა და სემაფორული ანბანი, მოაწყოთ თოჯინებისა და ჩრდილების თეატრი, ფიზკულტურული და, საერთოდ, სხვადასხვა თამაშობანი. ერთი სიტყვით, რგოლს შეუძლია მოაწყოს და ჩაატაროს ძრავალნაირი საინტერესო და სასარგებლო მუშაობა.

გახსოვდეთ: რგოლის ხელმძღვანელი უნდა იყოს ენერგიული, საქმიანი და მზრუნველი თავის მუშაობაში. რგოლის ხელმძღვანელი არ უნდა შეუშინდეს არავითარ დაბრკოლებას—მათ გადალახვაში, გაურკვეველი საკითხის გადაწყვეტაში და საერთოდ ყოველგვარი საქმიანობის განხორციელებაში რგოლის ხელმძღვანელს ყოველთვის დიდი სიამოვნებით დაეხმარებიან (ვალდებულიც არიან) რაზმის ხელმძღვანელი, უფროსი პიონერხელმძღვანელი და მასწავლებელი. გისურვებთ წარმატებით მუშაობას!





როგორ შევაკეთოთ ფეხსაცმელი?

სულ ადვილი საქმეა ფეხსაცმლის ზედაპირზე საკერე - ბლის დადება, საჭიროა მხოლოდ შეისწავლოთ ხარაზული წესით კერვა.

თქვენ იცით, რომ ხარაზები უნემსოდ კერავენ სპეციალურად მომზადებული გაფისული ძაფით?


აიღეთ მსხვილი ძაფი, დაჭერით 2,5—3 მეტრის სიგრძეზე და თითოეული მათგანი კარგად გასანთლეთ ხარაზული ფისით, შემდეგ 6-8 გაფისული ძაფი ერთად დაგრიხეთ და კვლავ გასანთლეთ. დასასრულს, გაუსვით ის სქელი ტილოს ან მაუდის ნაჭერზე, რომ სიმივით სწორი და სუფთა გახდეს. ამგვარად გამზადებულ ძაფს გაუკეთეთ ღორის სქელი ჯაგარი და სანთელი წაუსვით.

საკერებელი ასე მოამზადეთ: აიღეთ ტყავი და გამოსჭერით იმოდენა ნაჭერი, რომ მან თქვენი ფეხსაცმლის გაცვეთილი ადგილი სრულიად დაფაროს, შემდეგ ამ ტყავის ნაჭერს ნაპირებზე წაუსვით შრეში და მიაკარით ფეხსაცმლის ზედაპირის გაცვეთილ ადგილას. როგორც კი შეშრება შრეში, მაშინვე შეგიძლიათ დაიწყოთ დაკერება. საკერებელ ტყავს ფეხსაცმლის ტყავთან ერთად სადგისით გაუკეთეთ ორი ორჯოლი ნასვრეტი, უკვე გამზადებული ძაფი გაუყარეთ ნასვრეტში და ძაფის ორივე წვერი გაათანაბრეთ. შემდეგ კიდევ გააკეთეთ სადგისით ახალი ნასვრეტი და ახლა ძაფის მხოლოდ ერთი წვერი გაუყარეთ ახალ ნასვრეტში და მოსჭიმეთ, მერე მეორე წვერი იმავე წესით, ასე თანდათან შემოუარეთ ირგვლივ საკერებელს, და თქვენი ფეხსაცმელი დაკერებულია.

ახლა გაუსინჯეთ ქუსლი, მოცვეთილია? მოაშორეთ მოცვეთილი ტყავის ზედაფენა; დანით შემოსჭერით სქელი ტყავიდან ზუსტად ქუსლის ზომის საკერებელი. ჩამოაცვით ფეხსაცმელი ნაკოდალზე, გამზადებული საკერებელი ტყავის ნაჭერი დაადეთ ქუსლს და რკინის ლურსმნებით დააჭედეთ.

შედარებით რთულია ფეხსაცმლის ლანჩაზე ნაჭრის დადება. ამისათვის აუცილებელია ხის კალაპოტი ან რკინის „ფეხი“, რომელზეც ჩამოიცმება ფეხსაცმელი. სქელი საძირე ტყავიდან საკერებელი გამოიჭრება და მისი ის ნაპირი, რომელიც ფეხსაცმლის ძირის შიგნითა მხარეს უნდა მოხვდეს დანით გათხელდება. ამის შემდეგ საკერებელს სადგისით გაუკეთდება ნასვრეტი და ხის ლურსმნებით, ხელის ჩაქუჩის მეოხებით, დაიჭედება საკერებელი.

როდესაც ფეხსაცმელს კალაპოტიდან ამოიღებთ, მაშინვე ხელით შეამოწმეთ, ხომ არ გამოიჩარა ფეხსაცმლის შიგნით ლურსმანი, თუ ასეთი ნახოთ, ჯერ დანით, ხოლო შემდეგ ქლიბით სუფთად ჩაფხიკეთ ის, ვიდრე ხელს აღარ მოუდება ხის ლურსმნის ხორკლები.



მექსიკის სუინქსი

მექსიკის ჯუნგლებში ნაპოვნია უხსოვარი დროის კულტურის ნაშთები, მათ შორის აღსანიშნავია გრანიტის ქვისაგან ნათალი ადამიანის თავი (იხ. სურათი).

მოტორის ბლოკი მანქანის ის უმთავრესი და უმნიშვნელოვანესი ადგილია, სადაც გაზის წვით მიღებული სითბო ავტომობილის მამოძრავებელ ძალად იქცევა.

ცილინდრების გვერდები, წყალპერანგები, სარქველის ბუდეები, კარტერი, საბოლქვი გაზების კოლექტორი—ყოველივე ამას ეწოდება ბლოკი.

ბლოკს თუჯის ერთი ნატეხიდან ჩამოსახენ, მაგრამ ჩამოსახვის უმაღლესი იგი ჯერ კიდევ როდია ბლოკი. სანამ მანქანას გაუკეთდებოდეს, ბლოკად ჩამოსახული თუჯი უნდა დამუშავდეს, მრავალადგილას ამოიზრტიოს და ამოიხერხოს, გაირანდოს ხედაპირი, გაიდაროს ლარაკები და ჭვირტები, გაუკეთდეს კუთხვილები ჭანკიკებისათვის.

ამ ცოტა ხნის წინათ ბლოკის გამზადების პროცესი რთული იყო. მას ნახვრეტებს ეოთი მუშა უკეთებდა, ლარაკებსა და ჭვირტებს—მეორე, კუთხვილებს—მესამე და, ამრიგად, იგი ერთი დაზგიოდან მეორეზე გადადიოდა.

ჩვენს დიდ მეურნეობას ერთობ ბევრი მოტორი ესაჭიროება. ახ-

ლა წინანდებურად ნელა მუშაობა აღარ გვარგია სწორედ ამიტომ ამჟამად ქარხანა „ხის“-ში ყოველივე ამას აკეთებს თექვსმეტი სააგრეგატო დაზგა-ავტომატი, რომლებიც თითქმის უადამიანებოდ მუშაობენ. გამონახამს, მოემწყვედევთ თუ არა იგი დაზგა-ავტომატის ფოლადის თათებში, ერთბაშად სამი მხრიდან ერტობა ბურღი, მლარავი და ქანჩმურღები; აქ უკვე არაფრის მოზომვა და მორგება არაა საჭირო, ყოველივე წინდაწინ გაზომილია მილიმეტრის მესხედი ნაწილაკის მიხედვით. თითოეული ინსტრუმენტი სწორედ იმდენ ლითონს ჩამოჭრის, ამობურღავს, რამდენიც საჭიროა.

რაგინდ მტკიცე იყოს სწრაფმჭრელი ფოლადი, მუშაობაში ისიც ცვდება. ბურღი და მლარავი იბლაგვებიან და თანდათან უფრო ნელა მუშაობენ... ამიტომ შესაძლოა ერთი ბურღი მეორეს ჩამორჩეს, როგორ უნდა ვადვენოთ თვალყური ხუთასსავე ინსტრუმენტს რომლებიც ბლოკს აკეთებენ?

აქ დახმარებას გვიწევს რეღე-ელექტრომექანიკური მოწყობი-


ლობა, რომელიც მთელ ამ რთულ მუშაობას მართავს.

აი, მახვილმა ბურღმა გაბურღა თუჯი საჭირო სიღრმეზე, ხოლო მეზობელმა, ბლაგვმა ბურღმა, ისევე იმუშავა, როგორც საჭირო იყო. მაგრამ მჭრელი ბურღი რომ ლითონში შევიდა საჭირო სიღრმეზე, რეღეს კონტაქტის პაწაწკინტელა ბერკეტს შეებო. რეღემ მაშინვე სიგნალი გაუგზავნა დაზგის მართვის ელექტრომუქტს, და ბურღი გაჩერდა. როცა ყველა ინსტრუმენტი თავის საქმეს გააკეთებს, როცა რეღეს ყველა კონტაქტი მუშაობს, რკინის თათები გაიშლებიან, გადააბრუნებენ ბლოკს, როგორც საჭიროა, და დადგამენ ახალი სააგრეგატო დაზგის მაგიდაზე.

მთელი დამუშავების გზას ბლოკი ორ წუთში გადის. ხაზის ერთი ბოლო იღებს უღაზათო, უჯრო-მო ჩამონახამს, მეორედან ჩამოდის მზა ბლოკი. მთელ ამ ხაზს მომსახურებას უწევს ორი კაცი. ისინი თვალყურს ადევნებენ, რომ მანქანები არ შეცდნენ, რადგანაც რაგინდ „გონიერიც“ იყოს მანქანა, მისი შემოქმედი ადამიანი უფრო გონიერია.

ი გ ა ვ ე ბ ი

მგელი, ზღარბი და მეღა



ერთხელ შეიკრიბნენ ფრინველები ახალი მეფის ამოსარჩევად. მეფედ გახდომის ყველაზე დიდი იმედი ჰქონდათ არწივს თავისი სიძლიერისა და ფარშავანგს თავისი სილამაზის გამო. მაგრამ ყვავი არ იყო ამით კმაყოფილი. ის გაძვრა ჩუმად საქათმეში და მოირთო მშვენიერი ფრთებით. ფრინველები ჯერ იაკვირვებულნი უცქეროდნენ არწივსა და ფარშავანგს შუა ამყად მჯდომ ყვავს, მაგრამ როცა ახლო დაათვალიერეს და იცნეს, მიესივნენ და სხვის ფრთებთან ერთად საკუთარიც გააცალეს.

ერთხელ მგელმა ერთი ზღარბი დაინახა, რომელიც ტყეში შუა გზაზე იწვა.

— რა მახინჯია ეს ცხოველი თავისი მჩხვლეტავი ეკლებით, — უთხრა იქვე მყოფ მელას, — სულიერ ქმნილებას არცა ჰგავს, ტყის ნამდვილი შემრცხველია.

— ზღარბი კი, — მიუგო მელამ, — ძალიან კმაყოფილია თავისი ეკლებისა, რადგან შენი კბილებისგან მხოლოდ ისინი იცავენ მას.

იოღი და ძნელი

ერთხელ ერთი გინმე შეეკითხა ბრძენს: „მითხარი, რა არის იოღი და რა არის ძნელი?“ ბრძენმა უპასუხა: „ძნელი არის საკუთარი თავის შეცნობა, ხოლო იოღია ახლობელ ადამიანთა ნაკლის შემჩნევა.“

ცივი სინათლე

აგერ ციციანათელა მოფრინავს, აბა რომელიმე თქვენგანი თუ ამიხსნის, — რატომ ანათებს იგი?

ამ საკითხზე ბევრი მეცნიერი მუშაობდა; მათი მიზანი იყო გამოერკვიათ, თუ რა არის ასეთი ნათების მიზეზი, ანდა შეიძლება თუ არა ხელოვნურად იქნეს მიღებული ციციანათელასებური ნათება.

თუ ციციანათელას გამადიდებელი უშუალოდ გავხედავთ, შევამჩნევთ, რომ სინათლის წყაროს ადგილი მუცლის უკანასკნელ სამ სეგმენტზეა მოთავსებული. ამ ადგილას თავმოყრილია დიდი უჯრედები, რომლებშიც გადის სინათლის წყაროს ჭანჭანობილი ნერვი. გამოკვლეულია, რომ სინათლის გამომუშავება სუნთქვის შედეგია, რასაც უანგვა მოჰყვება. თუ დაირღვა ამ ნერვის მთლიანობა, — სინათლის გამომუშავებაც შეწყდება. რადგან ამნაირი ნათება ფოსფორის ნათებას ჰგავს, რომელიც სიბნელეში დაუანგვის გამო ანათებს, ფიქრობდნენ, რომ ციციანათელას ნათებაც ფოსფორთან არის დაკავშირებული, მაგრამ ქიმიურმა ანალიზმა აქ ფოსფორი საკმაოდ რაოდენობით ვერ აღმოაჩინა.

მეცნიერმა სპალანცინიმ დაამტკიცა, რომ ასეთი ნათებისათვის ჰაერთან ერთად წყალიც აუცილებელია. მაგალითად, ციციანათელას ორგანიზმი გამზობისას კარგავს ნათების უნარს. ქიმიკოსმა დუბუამ აღმოაჩინა, რომ სინათლის წყაროს ნივთიერება — ლუციფერინი ნათების პროცესში განიცდის დაუანგვას, რასაც სინათლის საკმაოდ რაოდენობით გამოსხივება მოსდევს. ამრიგად, ციციანათელას ნათება მეტად რთულ და სათუთ ქიმიურ პროცესთან არის დაკავშირებული. ჩვეულებრივ ქიმიური რეაქციის შედეგად მიღებული ქიმიური ენერგია რომ სინათლის ენერგიას გვაძლევს, ეს არაპირდაპირ, ე. ი. უშუალოდ კი არ ხდება, არამედ ჯერ ქიმიური ენერგია სითბოს ენერგიად გადადის. შემდეგ სითბური ენერგია კი სხივოსნურად.

ციციანათელას ნათების პროცესში კი ვასაკუთრებულ ბიოქიმიურ შემთხვევასთან გვაქვს საქმე. ეს ის პროცესია, როცა ქიმიური ენერგია მთელი 100 პროცენტით გადადის სხივოსნურ ენერგიად. ამ დროს

სითბო ისეთი უმნიშვნელო რაოდენობით გამოიყოფა, რომ მისი გაზომვა მოუხერხებელია. აქ ეგრეთწოდებულ „ცივ სინათლესთან“ გვაქვს საქმე. საჭიროა გავიხსენოთ, რომ ელექტრული სინათლის მხოლოდ 2 პროცენტი თუ გადადის სხივოსნურ ენერგიად; დანარჩენი სითბური ენერგია კი იკარგება უსარგებლო, გამოუყენებელი სითბოს სახით, რასაც ციციანათელას ნათების პროცესში არ აქვს ადგილი. უეჭველია, რომ ციციანათელას უანგვის და ნათების პროცესში წყალი კატალიზატორის — რეაქციის დამაჩქარებლის როლს ასრულებს. აქ უანგვა ხდება მეტად ნელა, მაგრამ უშუალოდ სხივოსნურ ენერგიაში გადასვლით.

ცივი სინათლეს ხშირად იყენებენ პრაქტიკაში: ზოგი ნივთიერება, წინასწარ გაშუქებული მზის, მაგნიუმის, კვარცის სხივებით, შემდეგაც ინარჩუნებს ნათების უნარს დროებით. ამ მოვლენას ფოსფორესცენცია ეწოდება.

აი რა ხდება აქ: როცა სხივები ეცემა ასეთ სხეულს, ეს იწვევს ამ ნივთიერების ატომებიდან ელექტრონების მოწყვეტას, დაკარგვას და შემდეგ კი ამ ელექტრონების კვლავ ატომთან შეერთებას — დაბრუნებას. თითოეული ელექტრონის შეერთება იწვევს მცირე აფეთქებას სინათლის გამოსხივებით, მაგრამ აქ ბრუნდებიან და წყდებიან არა ერთეულები, არამედ მილიარდობით ელექტრონები.

ცხადია, რომ ციციანათელას ნათებაც არ ხდება ელექტრონების მონაწილეობის გარეშე. ყოველგვარი ქიმიური პროცესი ამ ელექტრონების დაკარგვით, შეერთებით ან მათი განსაკუთრებული კონფიგურაციების შექმნით, შეწყველებით მიმდინარეობს.

ბუნებრივი ნათება მარტო ციციანათელას საკუთრება როდია, ანათებენ ზოგიერთი სახის თევზები, ბაქტერიები და სხვა.

საიდუმლოებით მოცული ბევრი ქიმიური პროცესი ცოცხალ ორგანიზმში გადაჭრილია ქიმიის ერთ-ერთი ახალი დარგის, ბიოლოგიური ქიმიის მიერ.

ველიან გიორგაძე



ვინ გაიმარჯვებს?

27. როგორ ცხოველს აქვს ყველაზე სქელი კანი?
28. რა ეწოდებოდა ძველად გიბრალტარის სტრატის?
29. რამდენ საუკუნეს შეადგენს მილიონი დღე?
30. ვინ იყო სტრადეარტისი?

მეშვიდე სერია

1. რას ნიშნავს სიტყვა „პიონერი“?
2. რატომ ეწოდა ჩვენს ნორჩ თაობას „პიონერი“?
3. როდის მიენიჭა ნორჩ პიონერთა ორგანიზაციას ღირსი ბელადის ვლადიმერ ილიას-ძე ლენინის სახელი?
4. როდის და სად ჩამოყალიბდა პირველი პიონერთული რაზმი საბჭოთა კავშირში?
5. რის სიმბოლოა პიონერთული ყელსახვევის სამი ბოლო?
6. როდის შეუსრულდა ლავრენტი პავლეს-ძე ბერძნის სახელობის თბილისის პიონერთა და ოქტომბრელთა სასახლეს 5 წლისთავი?
7. როდის შეუსრულდა „პიონერსკაია პრავდა“ ოცი წლისთავი და მთავრობის რა ჯილდო მიენიჭა?
8. როდის უსრულდება ოცი წელი ყურნალ „პიონერს“?
9. რომელი ქართველი პოეტი რომელ ლექსში მიმართავს პიონერ-მოსწავლეებს ასე:
„თვალციმციმა გოგონებო, ჭაბუკებო ჩვენი მხარის, ყველა თქვენგანს ჩემი რითმა შესცინის და შემოხზარის“.
- ვინ დაწერა ამ ლექსის მუსიკა?
10. ვინ დაწერა წიგნი „ბელადის ბავშვობა და ყრმობა“?
11. პირველად რომელ წელს იყო მოხსენებულ მატინაეში მოსკოვი?
12. რა ეწოდებოდა წინათ ქალაქ ლენინგრადს, როდის, სად და ვინ ჩაუყარა მას საფუძველი?
13. რომელი ქართველი მეცნიერების შესახებ გამოკვეყნდა ბიოგრაფიული ცნობები ყურნალ „პიონერში“? დასახელეთ ეს მეცნიერები.
14. ვინ იყო ფილასი?
15. ჩამოთვალეთ ძველი სამყაროს ხელოვნების შვიდი საოცრება.
16. რამდენი პლანეტაა ცნობილი? დასახელეთ ისინი.
17. რას ნიშნავს თქმა: „ალფა და ომეგა“?
18. რას ნიშნავს თქმა: „სიზიფოსის შრომა“?
19. რას ნიშნავს თქმა: „ტანტალოსის ტანჯვანი“?
20. რას ნიშნავს თქმა: „არგუსის თვალი“, „არგუსი“?
21. როდის და სად შემოიღეს პირველად საფოსტო მარკა?
22. რაში მდგომარეობს ზონური დროის უბრაუტესობა?
23. რომელ ცხოველს უწოდებენ „უდაბნოს ხოლადს“?
24. უდაბნოს რომელი მცენარის შესახებ ამბობენ: „მას ფეხები წყალში აქვს თავი კი ცეცხლში“?
25. რას ნიშნავს პოლესტრამი?
26. რომელ გარეულ ფრინველს ეწოდება „მცინარა ვირი“ და სად ბინდრობს იგი?

პასუხი მეექვსე სერიაზე

1. ვიჩიხლავე მიხეილის-ძე მოლოტოვმა.
2. ატომის ცნება წარმოიშვა შორეულ წარსულში, ძველ საბერძნეთში.
3. სიტყვა „ატომი“ ბერძნულია და ნიშნავს გაუყოფელს, თითქმის XX საუკუნის დასაწყისამდე ფიქრობდნენ და დამეხებული იყო, რომ ატომის დასახვა შეუძლებელია უძლიერესი მიკროსკოპის შემწეობითაც კი; ატომები წარმოადგენენ ნივთიერების უმცირეს ნაწილაკებს და ისინი გაუყოფელი არიან.
4. შემდგომი გამოკვლევების შედეგად გამოირკვა, რომ ატომი რთული აღნაგობისაა, ატომის ცენტრში მოთავსებულია მისი ბირთვი, რომელიც დამუხტულია და დადებითად, ხოლო ბირთვის გარშემო დიდო სიჩქარით დასრიალებენ უარყოფითად დამუხტული ელექტრონები, რომლებიც ჰქმნიან ეგრეთწოდებულ ელექტრონულ შრეს.
5. ატომის ბირთვი შედგება პროტონებისა და ნეიტრონებისაგან. პროტონები დამუხტულია დადებითად, ხოლო ნეიტრონებს არა აქვთ მუხტი, ამრიგად, ატომის შემადგენლობაში შედის ელექტრონები, პროტონები და ნეიტრონები. ყველა ელექტრონი მოქცეულია ელექტრონულ შრეში, პროტონები და ნეიტრონები კი მის ბირთვში.
6. ბუნებაში 92 ატომია, რომლებიც ერთიმეორისაგან განსხვავდებიან უმთავრესად პროტონების, ნეიტრონებისა და ელექტრონების რაოდენობით. თუ ნივთიერება შედგება ერთნაირი ატომებისაგან, მას ქიმიურად ელემენტური ეწოდება. მაშასადამე, ბუნებაში 92 ელემენტი.
7. მეცნიერმა ცოლ-ქმარმა მარია და პიერ კიურიმ აღმოაჩინეს ელემენტი, რომელსაც ეწოდა რადიუმი. ეს ელემენტი ძალიან ნელა, თავისთავად იშლება და ოქცივა სხვა ელემენტად—ტყვიად.
8. რადიუმის შემდგომი შესწავლით გამოირკვა, რომ თვით ეს ელემენტი წარმოიშვა ელემენტ ურანის დაშლის შედეგად. რადიუმსა და ურანს უწოდეს რადიოაქტიური ელემენტები. ურანის რადიოაქტიური და რადიუმის ტყვიად გადაქცევისას იშლება ატომის ბირთვი და მასში წარმოიშობა პროტონებისა და ნეიტრონების სულ სხვა რაოდენობა.
9. ის, რაც თავისთავად ხდება რადიუმსა და ურანში, მეცნიერებმა მიზანდ დაისახეს განხორციელებნათ სხვა ელემენტებშიც, ისინი შეეცადნენ დაეშალათ სხვადასხვა ატომის ბირთვები. ასეთი ცდების დროს აღმოჩნდა, რომ შესაძლებელია არა მარტო ერთი ელემენტის გადაქცევა მეორე ელემენტად, არამედ, გარდა ამისა, ბირთვის დაშლისას ზოგჯერ გამოიყოფა უზარმაზარი რაოდენობის ენერგიაც, მაგალითად, სითბოს სახით. ეს სითბო დიდად აღემატება იმ სითბოს, რომელსაც ვიღებთ ნახშირის წვის დროს.
10. მზეზე ხდება წყალბადის ატომების ბირთვთა განუწყვეტელი დაშლა, ამიტომ იძლევა მზე სითბოსა და სინათლის ასეთ უზარმაზარ რაოდენობას.

პომეჩის ნიშანი

გეგმაში მ. მიქაელაძისა

მუსიკა ვ. კარგილია



საქართველო

მონი

ეს ნი-შა-ნი და-შა-ნი-ნა აინ-აგის მო-გებს ი-ყო და-ლო?

აბო ზენს გუომ-ში მა-სა ენ-აოს დი-დი ხმე-ნის ნა-ღვი-ღა

ყველა

აბო ზენს გუომ-ში მა-სა ენ-აოს დი-დი ხმე-ნის ნა-ღვი-ღა

ზაჩუა კახეთი

აქ ნანასავით გაისმის
ალაზნის წელი დუღუნის,
ჭალებს აფხიზლებს ხოხობის
და ქედნის ტყბილი დუღუნის.


აქ ლამაზია ცისკარი
ნაზი სხივებს კანკალით,
მღერის ილიას სამშობლო,
მარჯანიშვილის აკვანი.

აქ ევლოშვილმა მთრთოლვარე
ჩანგის სიმები აუღერა,
აქ ჯადოსნურად გაისმის
სარაჯიშვილის სიმღერა.

ტურთა კახეთის ვენახებს
ბრწყინვალე შუქი ჰფენია,
ათბობს, ანათებს მის ბალებს
დიდი სტალინის გენია.

ლამარა კიკილაშვილი

სიღნაღის ქალთა საშუალო
სკოლის მოსწავლე.



პეიზაჟი. ნახატი მოსწავლე ა. გაჩეჩილაძისა.

შ ი ნ ა ა რ ს ი

იაპონიაზე გამარჯვების დღე	1 გვ.
მარია მიქელაძე,—პიონერის ნიშანი (ლექსი) გარეკანის მე-2 გვ.	2 გვ.
გიორგი კაჭახიძე,—ფრთაშესხმული დავებრუნ- დით	3 "
ალექსანდრე ფადევი,—ახალგაზრდა გვარდია, თარგმანი პ. აბრამიასი	4 "
რ. თავდიდშვილი,—დედინაცვალი (მოთხრობა)	9 "
ანა ხახუტაშვილი,—ილიას პირველი ნახვა (მო- გონება)	12 "
იოსებ გრიშაშვილი,—ძილისგუდა (ლექსი)	15 "
აკად. ნ. კეცხოველი,—ძველი საქართველოს ნან- გრევთა შორის	16 "

ს. გარბუზოვი,—ურალი—ოქრო მიწა (წერილი)	19 "
შ. მარიანიშვილი,—ბრძოლა არსებობისათვის	23 "
რგოლის ხელმძღვანელის დღიურში	26 "
პიონერის ხახელისნო	27 "
მეჭსიკის სფინქსი	27 "
ახალი ტექნიკის კუთხე	28 "
იგაგება	28 "
ე. გიორგაძე—ცივი სინათლე	29 "
ვინ გაიმარჯვებს?	30 "
ვ. კურტიდი,—პიონერის ნიშანი (მუსიკა)	31 "
ნორჩ ავტორთა შემოქმედება	32 "
გასართობი გარეკანის მე-3 გვ.	
გვეყვარდეთ მეცნიერება (ილუსტრაცია) გარე- კანის მე-4 გვ.	

გარეკანის პირველ გვერდზე მხატვარ ი. რაზმაძის ნახატი—„წიგნი გვიამბობს“.

სარედაქციო კოლეგია: ი. აბაშიძე, აკად. ნ. ბერძენიშვილი, შ. გვინჩიძე,
ან. დულარიძე (პ/მგ. რედაქტორი), გ. ვარდიაშვილი, პროფ. გ. თავისიშვილი, ს. კეცხოველი,
ბ. მეტრეველი, ნ. ნაკაშიძე.

რედაქციის მისამართი: თბილისი, ლენინის ქ., № 28. ტელ. 3-81-85.

უფ.—11630, ტირაჟი 7000, გამომც. № 92, სტამბის შეკვეთა № 1554, ბერძნის სახელობის კომბინატი „კომუნისტი“,
ლენინის ქ. № 28. ყურნალის გარეკანი დაბეჭდილია საქ. სსრ საგემოვნო მრეწველ. სამინისტროს ლითოგრაფიაში.

ბასართობი



შეკარა

თუ საქართველოს მდინარის
უკვე დასწორე სახელი,
ახლა თავსა და ბოლოში
მას ასო გამოაკელი.

შეკვეცილ სიტყვის თავსართის
პოვნა არ გაგიჭირდება,
აქ უკრაინის ქალაქის
პირველი ასო გჭირდება.

თუ ამერიკის ერთ-ერთი
ტბის შეგიძლია მიგნება,
მისი სახელი შარადის
დაბოლოება იქნება.

ეს სიტყვა უდიადესი
გულს ოქროთ ჩაეხრდება,
როგორც საბჭოთა მოსწავლის
სასიქადულო წოდება.


ვახტანგ ძნელაძე

ოთხთა „ბრძოლა“

ოთხი თანატოლი ბავშვი, შეცურულ თოვზე მარჯვენა ხელრაკიდებული (დახედეთ ნახატს), ცდილობს მიაწვდეს და თავისუფალი ხელით აიღოს ქვა, რომელიც თითოეული მათგანისგან თანაბარ მანძილზე მდებარეობს.

ოთხეულიდან გამარჯვებული გამოდის ის, ვინც თავისკენ გადასძლევეს მოწინააღმდეგეთ და თავისუფალი ხელით აიღებს ქვას.

ეს თამაში შეიძლება მოეწყოს სამი, აგრეთვე ხუთი და ექვსი კაცის მონაწილეობით.



ყარმობაჟი საუბარი

— ახლა კი შემიძლია ცოტა დავისვენო! — უთხრა ზარის დარეკვის წინ რეზომ გივის.

— როგორ, რეზო! საფხულში რას აკეთებდი? ვერ დაისვენე?

— კმ, რა დამასვენებდა; ფეხბურთს ვთამაშობდი, ვთევზაობდი, ვცურაობდი...

— მაშ მეთედინებოდა: როდის უნდა დაიწყო?

— მესამე მეთხედში, პირველ და მეორე მეთხედში მე მულამ ვისვენებ, ვიკრებ ძალ-ლონეს, შერე ერთი... ორი... და ყველას დავეწვება!

— ბიჭოს, შენ ყოჩალი ყოფილხარ!

— რა თქმა უნდა, ასე ყველას როდი შეუძლია!

— რეზო, რომელ კლასში ხარ?

— მეექვსეში.

— შარზან რომელში იყავი?

— შარზან? მეექვსეში, როგორც წესს.

პასუხები

ჟურნალ „პიონერის“ 1945 წლის მე-9, 10 და 11 ნომრებში გამოქვეყნებული გამოცანები ამოხსნეს და პასუხი რედაქციას გამოუგზავნეს შემდეგმა პიონერ-მოსწავლეებმა: ნოდარ მცხეთაძემ (თბილისი), გივი ხოსროშვილმა (ლაგოდეხი), ო. ფოფხაძემ (სამტრედი), ნათელა ზუბიტაშვილმა (სოფელი ნაფარეული), ლამარა ქინქლაძემ (მახარაძე), უ. სიმონიამ (ახალი აბაშა), მამია ჯოლიამ (ფოთი), მერო ციციძემ (ხაშური), ბესიკ რურუამ (ბათუმი), თამაზ პაიჭაძემ (ქუთაისი), თამაზ ებანიძემ (ხაშური), გივი მაცაბერიძემ (თბილისი), ლია ჯანიაშვილმა (თეთრი წყარო), ნოდარ ჯოგლიძემ (ვანის რაიონი), მისეილ ხანდალოვა (თბილისი), თენგიზ ზედელაშვილმა (სიღნაღი), ჰამლეტ ყუფარაძემ (ქუთაისი), შუქურ ცომიაძემ (ნირა ბელიაშვილმა (თბილისი), ჰამლეტ მეფისაშვილმა (ქუთაისი), ილინა გვილაშვილმა (თბილისი), ბუღუ ხუჭუამ (თბილისი), მადლენა გოგიაშვილმა (თელავი), ნაის დეკანოსიძემ (გორი), ანგელინა ილარიშვილმა და ნაზო ტაველიძემ (გორი), ვახტანგ ჯავახაძემ (ქუთაისი), გ. ქარცივაძემ (ხარაგაული), კომუნარ გაგუამ (აბაშა), ალექო გოგიაშვილმა (ქუთაისი), გური აბრამიძემ (ვანის რაიონი).

ნუ იმ ავსა და ავინაც ნუ გეშინია.

(პასუხი ჟურნალ „პიონერის“ № 7-ში მოთავსებულ ამბავ-გამოცანაზე)

მამედის მეგობარი მივიღა მოლასთან და სთხოვა: ამ დღეებში გამგზავრებას ვაპირებ და, თუ შესაძლებელი იქნება და არ შეწუხდებით, ათი ათასი მანეთი რამდენიმე წლით შემინახეთო.

ასეთი საუბრის დროს შევიდა მამედი და, აბა, იფიქრეთ, როგორ ეტყოდა მოლა ათასი მანეთის დაბრუნებაზე უარს, როდესაც მე მყოფისაგან ათჯერ მეტს მოელოდა.



გეოგრაფიული მუყნეურება!

ნ. მაყიძე



ნ.ი. ლობაჩევი
1793-1856

მ. ლომონოსოვი
1711-1765

ნ.ი. პიროგოვი
1810-1861

ი.ი. მერნიკოვი
1847-1915

ი.მ. სერგოვი
1829-1905

დ. ი. მენდელეევი
1834-1907

კ. ა. ციმბირიანოვი
1843-1915

კ. ნ. ლეზინსკი
1866-1912

ა. ს. ნოვოვი
1859-1905

ი. ა. პავლოვი
1849-1936

ამსწავლავს
იოსებ ბუნდარისძე
სწავლობდა აქ
წინადა საუბარ
მიტონა ახლო
რდობამ განსაუ
თრებით უნდა იყო
დეს მუყნეურების
ისტორიამ.

ს. რ. ჯ. შიშინს
მუყნეურების
აქაღმის მერნი
დესტი აქაღმის

კ. ლ. კომაროვი

ამ თვეში ხედავთ ჩვენი გამოცემული ათი მუყნეურის კორტაბეს. გუნდბრი-
ვია, რომ მათი მხოლოდ კორტაბებში, გვარაბით, დაბადებისა და გარდაცვალებ-
ის თარიღებით გაცნობა არ დაგაბამოვილებით და დაგვაბადებთ სურვილი
უზრდო მები რამ იცოდეთ თითოეული მათგანის შესახებ. თუ ეს ასეა, მოგვწვირით.